



08759

咸豐朝督撫

譚光宸傳 畿輔通志

譚光宸字濬生順天大興人原籍江蘇陽湖道光十八年戊戌進士選庶吉士授編修癸卯大考二等

賜文綺典試河南甲辰復典試浙江是秋授湖南岳州知府調長沙二十九年遷廣東督糧道旋擢江西按察使咸豐元年

文宗御極

詔疆臣各舉所知巡撫費開綬以光宸薦二年春入覲

召對稱

旨四月回任時粵逆四出紛擾三年春復由九江竄南康薄南昌圍攻甚急光宸督兵守禦賊用地隧轟破德勝章江兩城門羣賊由缺口蟻附而上光宸大呼衝殺士卒皆用命直前奮擊賊潰走我軍爭囊沙壘石力堵缺口城完復乘其不備令敢死士縋下奪其攻具賊計窮宵遁復攻九江踞之巡撫陳啟邁檄令馳赴德安一帶督同遊擊富克金泰

續碑傳卷二十六

等搜捕伏莽七月復義甯光宸率兵勇前往征勦於附近三都梁口之官山燕子山各處設伏掩擊餘匪竄至武甯追捕十餘里大敗之先後斬獲三千餘人十月復奉

命赴九江調集礮船會合楚軍沿江攻勦時侍郎曾國藩方督軍克武昌由田家鎮東下十一月光宸抵德安賊以田家鎮新敗益死守九江

不去署總兵居隆阿進攻失利光宸豫派勁卒為後援賊追至力禦始退十二月大軍潰於吳城水師復失利省垣大震五年二月奉調回省籌防尋坐事鐫級留任七年復授江西按察使八年四月官軍克九江光宸奉檄馳往潯城暨上下游之彭澤小池口等處相度要害分兵防守十月擢布政使九年九月擢巡撫光宸以身受

主知感激圖報時境內雖已肅清而鄰氛尙熾援兵助餉運籌不遺餘力積勞成疾十年閏三月卒於官

黃贊湯傳

江西通志

黃贊湯字莘農廬陵人道光癸未進士改庶吉士散館授編修累官刑部右侍郎提督福建學政道光三十年文宗顯皇帝嗣統贊湯疏言自古經世之方端由慎德今日救時之要

首在防夷外國犯順逾十年矣撫議已成修防仍懈試問疆吏戰守之法治安之謨恐仍茫乎未有見也書曰惟事事乃其有備有備無患况夷情貪詐反覆無常自今以往能保其必相安乎伏望當閒暇之時作綢繆之計密詢沿海督撫諸臣彼兵猝至何以應之求請無厭何以杜之又其中最堪痛恨莫若漢奸外國得以進退自如深入不懼悉恃此輩援引主謀然逆用之為彼羽翼順用之即我干城必如何申禁招徠不至以內地人民為外夷接應皆令各就地方悉心籌畫並即令原議諸臣入於其任以責成效黨外國再肆要求以圖挾制禮諭不可德化不能在閩粵者即令閩粵兵民勤之在江浙者即以江浙兵民擊之勝算既操事權有屬設有不虞朝廷不必遣將而邊隅可期肅清矣又歷舉朱桂楨撫粵林則徐督兩廣雖拆馬頭燒煙土外國猶謂好官徐廣縉不準進城彼猶帖然畏服可見安邊撫夷全在官司公正華夷雜處終難久安宜皆責成地方諸臣為未雨綢繆之計云咸豐八年

中國之御四夷也不外戰守撫三策

續傳二十六

日議戰日日議撫

無定局徒以有用之時日坐耗無益

之議論我日弛其防閑彼日增其備禦勢必戰無俱窮而並不能守臣請姑以戰恐之以撫緩之內則罷撫戰之議而專以守為策擇能守之人設能守之具預籌能守之財速據能守之險夫需者事之賊以恐致福值此內盜未弭外寇並至正恐懼修省以迓天命之機愛惜分陰以趨事功之日慎弗築室道旁日相持於戰無紛紜之說而反置守備於不修也九年出為河東總督先是河決銅瓦廂羣議挽河南趨贊湯巡視河道力陳治河之方當因勢利導不宜強之使南又上鹽務變通策累鉅萬言十一年冬再應

詔陳言請慎選內侍以杜非幾之貢同治元年調補廣東巡撫甫蒞在

疏陳吏治民生甚悉
詔褒之廣東地故多盜大亂初夷餘匪未靖贊湯於水陸要隘嚴置守備修復省垣東北面礮臺以禦寇警其先累典文衡皆稱得士及官粵撫禽會匪治土客治效頗著尋奉

召入都將行以病告歸數年卒

李勇毅公神道碑銘

會國燕

公諱續宜字克讓號希庵兄弟五人忠武公諱續賓次居四公其季也

余既銘忠武公之墓茲不復具其家世公少妙深湛之思強探力索洞徹幽微師事羅忠節公澤南常以躬行不逮爲恥咸豐三年羅公募勇援救江西公遂參軍事以功累晉知縣

賞戴花翎同知而名顯不顯六年冬湘軍再克武昌漢陽巡撫胡文忠公奏公有勞特爲兄續實所掩耳有

詔以知府選用

賞加道銜既而隨兄圍攻九江明年以事省余瑞州軍中遂偕諸將圍攻瑞州會皖北羣賊上竄斬黃公乃自瑞挈千七百人回救湖北師至黃州與胡文忠公并轡謀野周覽形勢自巴河斬水廣濟黃梅六戰破賊壘無算遂會克小池口由是公之威名與忠武公差頡頏矣公率所部既集九江忠武公乃得以其閒分兵克復湖口連下彭澤小孤梅家洲諸城公以偏師卻湖口之賊禦竄麻城黃安之寇忠武公乃得專力破滅九江皆公之助也湖北事已大定胡文忠公以皖中久困水火奏請救忠武公廓清皖北而留公以固楚疆

天子亦南憂江淮絕重李氏昆季矣無幾何而有舒城三河之變忠武公殉難將士死者六七千人天驚地吸公在黃州哀迫之際經緯萬端

續碑傳卷二十六

三

入則捐食悲咽出則拊循潰卒思鄉者遣歸願留者編伍哺粟賜衣接以溫語差討諸將之罪而簡用其良部署釐定適胡文忠公以母喪奉詔起復相與申儆簡練而湘軍復振明年夏劇賊石達開竄擾湖南圍攻寶慶公時新奉荆宜施道之

命統兵自鄂援湘

朝廷壯之師抵長沙進自資水之西四戰而解寶慶之圍圍中官軍三萬與飢困之民一時得蘇眾聲大和論功

賞加布政使銜當是時余與胡公方議并力規取安慶省城余弟國荃與將軍多隆阿分圍安慶桐城公自湖南東還駐軍兩路之中曰青草榻者大敗逆酋陳玉成於挂車河布陣之廣近世罕聞旋拜安徽按察使十一年又有安徽巡撫之

命公具疏以爲逆酋圖解安慶之圍悉銳西竄必犯湖北以攻我之所

必救湖北爲眾軍根本臣宜提師回援不能遽任皖撫之事比公馳抵

武昌而賊已陷黃州德安兩府五縣其別賊自江西至者又陷興國等

縣公經營七月始將列城恢復安慶亦藉以告克而胡公薨於位

文宗亦晏駕八音遏矣

今上嗣位

褒安慶功

賞穿黃馬褂調補湖北巡撫既又

命移撫安徽

公初莅安慶繼駐臨淮屢奉

密詔以苗沛霖叛服無常詢問剿撫機宜公覆疏謂苗沛霖官至道員公犯不韙圍撫臣於壽州陷其城屠其眾乃復詭言求撫此豈足信不過假稱反正號召近縣養成羽翼若正彼叛逆之名人人得而誅之寬其黨羽使爲我用彼勢日孤終成禽耳

天子韙之公又以時解潁州圍克霍邱之城撫綏各圩陰散逆黨選任

賢吏安民墾田功緒漸彰矣

詔授爲欽差大臣而公適聞訃丁憂不克受事

朝廷命仍署理巡撫三疏陳謝始奉

命賞假百日回籍治喪公旣以苦思遺病徹夜不寐夙患咯血至是增劇歸里後六奉

詔旨起復墨經視師公以哀慕未忘而嬰疾轉篤請假四十日調養旣而輿病就道又請假四月并開巡撫之缺

續碑傳卷二十六

朝廷鑒其至誠所請未嘗不許而以淮南事棘又未嘗不敦促上道詔召相銜至冬初再疏自陳病狀公自知不起遂以同治二年十月二十八日卒於家春秋四十有一

敕照總督例賜卹三省建立專祠予諡勇毅配彭氏子光英

特賞直隸州知州同治三年某月甲子葬某處某山八年某月某甲子改葬某山公與忠武公皆負重名淡於榮利昆弟同之忠武好蓋覆人

過公則嫉惡稍嚴忠武戰必身先驍果縝密公則規畫大計而不甚校一戰之利至其臨陣百審一發發無不捷成功一也余不詳敘戰狀而

略述公言以綴之銘銘曰

凡戰有機神鬼翕闢靜如山寒終日闕寂動若電飛百霆齊擊蓄勢宜久氣囂宜淳此公之言吾耳所聆凡公勳績好謀乃成博籌多算終格

神明匪直戰事學道亦然精思力踐誠可達天立功雖偉公不自賢立德未竟齋志九泉我銘昭之永詔萬年

諱授光祿大夫兵部尚書銜都察院右都御史原任兩廣總督歷城毛

公神道碑銘陸心源同治七年八月辛丑朔越十有二日壬子光祿大夫兵部尚書都察院

石都御史歷城毛公卒於里第越明年葬於城東大辛莊之原而神道之石未有文先是四年四月公自廣督罷歸道出韶州源送之滇水舟中談次公長吁曰我年已六十行將就木子文可以傳後他日當以隧道之石爲託源起立曰公以微罪行今時局未平行就復起天下望公如文潞公富鄭公何出此言越二年源以忤廣撫蔣果敏益澧內召旋丁榮祿公憂歸里會幾何時公亦捐館源方誓墓山居以未得見公行狀無以踐前言光緒十五年張勳果公約游泰山因得拜公墓公之子慶澄持公行狀請文余受公知最深不敢以舛陋辭遂次公事蹟之大如左俾刻之墓道使後世有攷焉公諱鴻賓字寄雲自號寅庵又號菊隱山東歷城縣人曾祖文英祖振基父廷鏞皆以公貴贈光祿大夫曾祖妣趙祖妣王妣梁皆一品夫人同產三人公居長公幼而穎異不類凡童見者皆以大器期之弱冠補諸生年二十六舉於鄉道光十八年戊戌公年三十二成進士改庶吉士授編修充癸卯鄉試同考官丁未會試同考官旋轉江南道監察御史二十九年升禮科給事中疏言近來外省虧空多案其弊莫甚於流攤有浮開數倍以爲攤者有並無墊項捏造款目以爲攤者有虧空太多恐干重究提出數

續傳卷二十六

五

條歸入交盤以爲攤者接任人員或懾於上官之抑勒礙於同事之調停遂亦甘心接受應攤之款未交分毫續至之虧踵而增益大吏或以其官聲尚好曲示矜全或以其賠累有因亟思調劑而不肖者援爲口實展轉效尤斯時欲懲治則罹法者眾欲消弭則受病已深不得已以有故去任之員一參塞責而億萬帑金胥歸無著臣以爲流攤一日不除虧空一日不止應請

敕下各省督撫永遠禁革以重帑項而杜弊源疏入下部議行旋丁母憂咸豐二年起復兵科給事中疏言綱紀之存必賴乎憲典自古未有憲典不明刑威不振尙可以立國者而當軍興之時爲尤甚賊匪肆逆始止竄擾邊隅繼遂深入腹地今則紛擾已半天下

皇上特簡重臣籌辦防剿備餉不爲不厚調兵不爲不多乃

欽差大臣擁兵縱寇觀望周章而封疆大吏又毫無先期之布置賊未至則移眷先逃賊甫至則聞風疾遁自上年至今彼日防堵此日截擊

及至臨時除開門延敵之外一無所能彼之所以敢如此者恃

皇上之仁慈卽予譴責輕則褫責重則拏問而已及至押解刑部而供應如故也迎送如故也名曰監禁而飲食起居如故也卽擬以大辟猶

冀不入情實減等發配是時事之艱虞可以付之膜外而朝廷之寬宥轉已墮其術中爲今之計不患盜賊之不平而患紀綱之不振伏望卽

嚴旨擇其退避之尤者迅正典刑則官吏將士曉然知法書曰威克厥愛允濟正今日之謂也八月轉掌禮科時粵匪竄入湖南公疏請嚴賞罰嫻紀律簡軍實緝奸細馭壯勇解脅從又言

欽差大臣賽尙阿駐衡州在賊之南北路空虛請

令兩廣總督徐廣縉繞出北路攻勦並

簡派重臣坐鎮武昌以大員駐襄陽一帶訓練精兵以固北面藩籬

上體之三年以戶部尙書孫文定公薦令回籍辦團練疏劾

欽差大臣勝保玩寇糜帑五年授湖北荆宜施道六年調安襄鄖荆道

胡文忠以好善嫉惡秉心公正密薦十年五月擢安徽按察使九月擢

江蘇布政使十一年二月署湖南巡撫七月疏言湖南地方偏遠向非

富強粵逆石達開率數十萬眾窺伺湖湘然能外攘內安屹然爲上游

重鎮皆由前撫臣張亮基路秉章於吏治軍務實力講求用能削平寇

盜臣以爲得名將不過收戰陣之功得賢督撫斯能造封疆之福卽地

方人才亦必聞風思奮如左宗棠識略過人其才力不在曾國藩胡林

翼之下斷非臣所能企及今但使之帶勇殊不足以盡其才若畀以封

疆重任必能保境安民有裨大局又前任雲貴總督張亮基果決有爲

雲南邊壤餉糈不給漢回雜處仇讐相尋卽令經營盡善亦僅有益於

一隅似不若任以要地俾展所長但使東南日有轉機則雲貴游氛無

難迅掃此輕重之機宜審者也疏入

上嘉納尋實授湖南巡撫十一月疏陳招勇流弊請慎選將領以收實

效十二月逆酋石達開竄湖南犯會同公遣知府席寶田副將周達武

等擊破之賊由閩道撲黔陽公復檄總兵趙福元馳援解其圍並攻山

門堅壘拔之同治元年二月石逆率悍黨犯紅岩涇公飭趙福元擊敗

之賊遂竄湖北陷來鳳趙福元等督軍進攻復其城時署禮部左侍郎

薛煥疏請直隸添設四鎮每鎮練兵一萬並將神機營兵丁酌添二萬

分四處教練餉糈責成十八省督撫通力合籌

上下各督撫籌議公疏陳選將召募約束餉糈四難請於直隸督臣劉長佑新募之勇略增其數旁求將才選練綠旗營兵以資捍禦上下其疏於直隸余爲劉武愼屬草議覆大旨皆知公言山東劉逆倡

續碑傳卷二十六 六

亂全省騷動

上命公籌一旅以保衛桑梓時丁文誠寶楨方為湖南長沙知府公疏薦文誠可大用令募楚軍援東

上用公言授為山東按察使履任後削平諸逆東省以安識者羣推公知人之明焉二年夏五月升兩廣總督劾罷巡撫某布政使某貪墨之

徒望風解印綬而去時金陵已復惟湖州浙江及江西餘氛未靖公疏言江西一省惟南路之防猶有未備閩粵交界之處均無防兵福建地

瘠民貧賊屢入閩未嘗久駐以大勢論之湖州各城克復後賊必悉眾上竄以粵東為尾閭之洩欲制此賊必以控制贛南為第一義賊起廣

西永安官兵圍攻獨開北面使竄桂林後踞道州又開東北使竄長沙復開西路使竄岳州今若復使竄粵為害曷可勝言江西四衝之地川

原平行據守則不足圍剿則有餘合數省兵力乘大捷餘威不於此時聚而殲旗向復何待已否曾國藩等調撥勁旅繞越甯郡石城一帶扼

賊南竄之路臣亦派一軍於閩粵交界處會同大軍進剿並請敕下曾國藩等兼守南贛可無竄越庶可一鼓盪平疏入

續傳卷二十六

七

卓輿督軍進剿禽之四年二月令游擊何雲章援福建雲霄廳踞賊復大敗之督廣年餘凡有益於民者必興之有害於民者必除之斥華

崇樸風氣為之一變旋坐湖南巡撫任內失察藩司委屬不公鐫一級調用去之日知與不知莫不咨嗟太息而公方以釋重負為私幸公在

諫垣敢言直諫不避權貴胡文忠公讀公疏謂所言係天下安危二百年來第一等文字曾文正亦謂公疏皆切中事理關係天下安危泊掌

封疆凡事以大局為重無畛域之見鄰封有急不待求援即悉索以從同治二年貴州苗匪姜映芳竄據銅仁四府公命趙福元破平之廣西

巨寇張高友據蓮塘十年矣公奏派提督江忠義協剿誅之蓮塘既克公疏言浙撫左宗棠深入腹地後無援兵禍且不測宜命江忠義帥得

勝之師迅赴江西顧其後路忠義病令道員席寶田率舊部三千人先行江西當事以韓進春方新募五千人足以應敵移檄止之公曰彼意

餉事難籌耳我豈以私誤大局者仍檄席寶田速進未幾賊果由皖南上犯韓進春兵潰饒州岌岌甚幸寶田馳至大破之入皆服公之識而

公亦不自以為功焉公少時家極貧而慷慨成性始終無開自通籍以至沒賴公存活者指不勝屈親串中有孀婦二其家以飢寒故將迫嫁

之公迺至家給其衣食二婦得完節性莊重不苟言笑而論事周詳無微不至料事多中洞悉原委平居慎於動作幽獨之中無懈容雖勇悍難馴之夫見之無不氣奪喜接引賢士大夫而於貪酷之吏不少寬假罷官之後凡有益於里黨者知無不爲石坪之築雖創自丁文誠而公實贊成之公生嘉慶丙寅某月日春秋六十有三元配聶夫人早卒繼配秦夫人少公五歲後公十有四年而卒子二長慶澄附貢生正二品廕生外用通判保升直隸州知州次承霖已卯優貢戊子舉人皆秦夫人出女五長適同邑諸生林元蔭次適濟甯口部郎中孫棠三適前浙江溫處道溫忠翰四適內閣學士陳學棻五早卒皆秦夫人出孫一熙震孫女一皆慶澄出源竊觀古大臣之道以進賢退不肖爲急務咸同以來如曾文正胡文忠無不以延攬人才登進英傑爲事用能削平大亂光復本朝公於文忠爲師於文正爲友其所薦達以丁文誠爲最著他如左文襄郭筠仙侍郎蔣文恪志章惲次山世臨吳少村昌壽李星衢福泰四中丞今兩廣制府李筱荃宮保皆經公推轂密疏上達世不盡知余所見當世賢豪多矣而知人之明愛才之篤胡曾而後無以踰公故掇其大者如此其他吏事賢能在他人得其一端已足致通顯在

續碑傳卷二十六

公爲無足紀也不肖如源亦嘗邀元禮國士之目願以不能枉道所如輒阻有負公知人之明而感恩知己何日能忘別公六年而公薨公歿後二十年始獲詮次公事復系之以辭曰

文昭構緒姬盾降祥威楚有遂演詩惟蓂門承晝錦代龔組璋茂實不墜遺苗克昌派演長河靈鍾秦嶽篤生夫子爲時謇諤簪筆禁林迴翔臺閣旣長諫垣遂膺外擢運逢戎馬湘渚傳烽挾纓衆蹈軍搏風式遏寇虐撫綏疲瘵民感其惠吏服其公楚幕建牙嶺表持節潔忠薦敷貪墨糾紕英英清名觥觥盛烈古人有言太剛則折咸同之際四海沸騰讀公奏議風清峻嶒知人則哲明鑑於冰羣賢登進蔚爲中興哲人其萎天胡不弔大節昭昭垂容光久照執筆漣洏辭尙體要勒此豐銘千載有耀

韓超傳 畿輔通志

韓超字南溪直隸昌黎人慷慨有大志家貧厲學尤究心武備由副貢生官州判道光閒署貴州三郟聖州同遷獨山州知州獨山多盜號難治超至募勇練團以土民爲嚮導禽獲渠魁悉置之法令大行聞者不寒而慄胡林翼守黎平深器之咸豐元年秋臺拱清江八寨丹江古州

五界之烏沙苗倡亂超隨林翼進剿斬獲數百人餘黨解散明年春通判清江會獨山土匪句結粵逆內犯超率軍討平之未期月而桐梓賊楊瀛大熾陷數城圍遵義超馳至冒雨疾戰解其圍賊遁超日夜窮追攻之於葛章司五年三月苗疆同時叛超馳援臺拱解黃平平越圍轉戰至勝秉鎮遠所向無前賊塹山斷道以阻官軍援師不前超以孤軍馳突其間屢瀕於危卒獲無恙以功擢貴東道八年率所部二千人收復鎮遠府衛二城於是謀因地足食之道下游民團舊以十戶養一壯丁超因其意稍變通之官募士而民輸糧略倣隋唐府丁之制又籍叛產分授降眾流人以田代餉行之二年得不餉之兵三千人軍威益壯十一年

特旨署理巡撫旋實授以疾乞休年七十有九卒於家

賜諡果靖

勞文毅公別傳李元度

公諱崇光字辛階先世籍紹興客湖南遂爲善化人道光五年拔貢是年舉於鄉十二年成進士選庶吉士授編修歷充

國史館協修纂修總纂

續碑傳卷二十六

九

武英殿纂修本衙門撰文十九年典河南鄉試明年典湖北鄉試又明年授平陽知府尋調太原府擢冀甯兵備道署按察使二十八年遷廣西按察使明年充

冊封越南國王使事竣入關會寇起駐思恩南甯等府會督官軍剿賊遷湖北布政使未行李沅發反新甯奏留會辦楚粵軍務賊平

賞戴孔雀翎三十年調廣西布政使時嶺西羣盜如麻奉

旨馳驛兼程回粵駐南甯剿土匪公廣設方略用閒出奇解散匪徒四十三起

詔賞頭品頂戴尋督辦梧州艇匪平之招撫海寇張家祥收爲部將後易名國樑官至江南提督殉難丹陽諡忠武爲時名將世以此多公知人咸豐元年充

欽差大臣翼長總統各路兵馬二年擢廣西巡撫加節制通省兵馬衙兼署提督當是時全州及潯梧柳慶等屬賊蠡起所在陸梁恣焚掠聚散分合無常民失業或數百里無人煙公廣布耳目具知賊情進止黨與離合及彼此猜忌各情狀每有調遣輒洞中機宜無虛發人莫測所以賊益畏而神之公嘗言蕩寇之法能防芽蘖之初生則餉不虛費能

絕根莠於事後則師不重勞會武宣有上隊會匪將起事公偵實密檄
在事文武撲滅之誅其渠餘黨駭散鬱林州土匪黃東桂句劇盜鍾玉
保爲亂蔓延數州縣公擇健吏李孟羣劉體舒等進討一鼓平之餘用
以賊攻賊法設反間使互相戕殺勢迫則自拔來投或密約禽渠魁自
效公機牙四應兩利而俱存之臨陣或倒戈助順或悉所部降公益結
以恩信俾各招撫餘黨一年中勦撫並用計斬逆渠四十五人滅賊二
百數十起亡何逆弁黃金亮叛踞平樂與興安靈川賊相犄角官軍屢
攻之不下餉無出乃乞師湖南南撫駱文忠遣候補道江君忠濬知府
蔣君益澧各帥師赴援始至復興安靈川及平樂其桂柳梧潯諸府以
次略定公撫粵八年賊犯桂林十餘次並堅守得全居頃之餉斷兵卒
飢譁謀變刃及冠者再公不動聲色卒皆悔罪投戈縛首亂者實諸法
潮勇隊目謝揚王昌等十餘輩分屯省垣暗通賊積年驕恣多不法公
召湖南援軍入密誠蔣君治具宴諸隊目酒半悉禽斬之并治其黨無
脫者桂林獲安九年調撫廣東兼署兩廣總督先是泰西人擾粵海番
舶逼羊城置吏失職粵東亂西人居節署及民廬文武僚屬避居佛
山鎮會城逃徙一空公聞

續碑傳卷二十六 十

命兼程抵廣州從者請緩入城公叱曰非爾所知也屬吏叩馬交諫且
曰入卽爲所制矣公笑曰吾奉

天子命來爲督撫不入城將焉往遂單騎疾驅入時官吏軍民環觀者
數萬人均不意公敢徑入西人亦駭愕遂與營弁均列隊郊迎既入洋
酋請見公見之若無事者及論事則折以理不爲少屈西人莫測公所
爲明日商民復業者數千家西人氣奪因退去

詔除兩廣總督兼理鹽政署粵海關監督同治元年坐事註誤部議鑄
三秩調用

詔仍以頭品頂戴充欽差馳驛赴貴州案事二年四月授雲貴總督初
雲南漢回民互鬪黠者因煽爲亂自署督潘忠毅鐸殉難後會城爲回
所踞守土大吏不能自異或寢與之合公勘黔事畢馳抵昆明僚屬裹
衷伺進止或尼其入公曰吾嘗單騎入五羊城島夷萬計視之蔑如也
豈懾叛回哉遂入城文武僚吏皆從之回漢軍民並郊迎如抵廣東任
時既至語屬吏曰漢回仇殺乃械鬪案不必作軍務辦也益開誠心安
反仄武員中有初持兩端者感公忠盡皆革面以功名自奮賊繇此漸
平公嘗佩小印章其文曰忠信篤敬至是人益信其可行蠻貊云六年

正月十七日卒於官年六十有六
詔稱其老成練達沈毅有爲宣力滇粵各行省能不避艱險使地方日
有起色

贈太子太保照總督例

賜卹

子諡文毅

賜祭一壇本籍請祀鄉賢祠廣西請建專祠且入祀名宦並得

旨報可公所著曰易圖詳說常惺惺齋詩文稿讀書日記居官自省日
記奉使越南日記子五文翽按察使銜陝西補用道文翽鹽運使銜廣
東補用道輔芝同知銜直隸某縣知縣文榘福建補用通判早卒文翽
布政使銜四川補用道孫啟捷蔭生

賞舉人

贊曰長沙郡人二十餘年間諡文毅者兩公兩公居相距三百里耳然
陶公持節在道光中時海宇救謫獨勞公遭時多故爲其難方其單騎
泣粵滇置生死度外雖叱馭之勇曷加焉夫豈不以其時哉語云不遇
盤根錯節不足別利器公之爲其難抑卽其所以不朽也歟

雲貴總督張公別傳

李元度

續碑傳卷二十六

十一

張公諱亮基字石卿江蘇銅山人道光十四年舉人官內閣中書二十
一年大學士王文恪鼎奉

命督治河工疏調公從行會林文忠則徐謫襄河務獨契公公嘗卻武
弁餽金三千文忠密識諸手冊亦未以語公也工訖文恪疏薦公文忠
仍戍西陲公晉侍讀二十六年授臨安知府調永昌時漢回構釁亂甫
定公開示恩信與民休息歟翁服郡境無事公之赴永昌也道謁林文
忠時方

賜環授雲貴總督文忠懽甚出手籍記卻金月日公茫然不復省記矣
文忠尋疏薦公且曰其才勝臣十倍

宣廟以此大用公超擢雲南按察使遷布政使晉撫雲南距其遷提刑
時歲未稔也陛見

召對十五次

溫語如家人父子

手敕有能謀能斷之衰咸豐二年調湖南巡撫當是時粵寇圍長沙公
縋城入視事日夕登陴籌戰守識江忠烈忠源忠武公塔齊布鄧忠武

紹良瞿威壯騰龍羅忠節澤南王壯武鑫於諸將中今使相左公宗棠方爲舉人公禮之入幕軍事悉諮之初密薦胡文忠林翼至是疏調來南逾年乃至賊犯長沙時以南城外爲窟穴北阻堅城援師壁東南面莫能越攻惟河西無重兵賊方擄船筏造浮梁公慮賊且西竄數移調提督向公榮總兵福興公出營河西龍回潭土牆頭諸要隘皆不聽公擬自督軍往江忠烈請先帥所部楚勇築壘待公行有日矣會魁星樓側地雷發城壞十數丈公預調瞿威壯鄧忠武等督兵堵禦城復完忠烈請渡河公太息曰今事且迫卽渡江人且謂巡撫出城取自便吾不可以行矣乃令忠烈馳抵湘潭謁

欽差大臣某公具言賊且西竄請速入長沙調遣諸將不從會地雷再發官軍仍卻之賊糧盡果由龍回潭竄走遂寢不可制矣城圍解僚屬稱賀公獨拊膺歎息謂賊趨絕地可盡殲顧空一面縱之若遂渡洞庭而北患且及天下吾屬謀大局罪奚辭忍言賀耶已果如其言時巴陵土匪晏仲武句黨劫軍餉應賊公檄江忠烈討平之而瀏陽徵義堂匪首周國虞陰與粵賊通公密檄忠烈移師瀏陽聲言赴江西及至瀏距城十餘里而營國虞知將圖已率數千人來犯大破之遂毀其巢國虞

續傳卷二十六

尋就禽伏誅當是時武昌失守前督建閣

詔公署湖廣總督賊已棄武昌東竄陷九江安慶遂據江甯分黨渡黃河北犯半濟浮橋斷後隊自河南竄鄂公部勒諸將一敗諸鷺公頸再蹴諸馬鞍山賊遂不敢犯楚尋調撫山東忤

欽差大臣勝保爲所劾落職吏議戍軍臺

文宗鑒其忠盡未及瓜

召還會河決銅瓦廂廷議修復言人人殊

上命公馳驛往勘疏言黃河南行二千餘年淤墊日高議者方欲改復北行故道今不煩人力而北徙絲大清河入海宜因勢利導之不宜強

遏使南疏上議遂定亡何雲南回變

命督治雲南軍務授滇撫尋晉總督時漢回仇殺十餘年悍將乘機叛所在糜沸前總督恆春公自經死吳公振棧移疾歸公至威惠大著板橋之役逆回圍公數市所部八百人堅壁不爲動夜大雨雹擊賊多死傷賊遂潰退而滇撫徐之銘持兩端通賊暗陷公公憂憤成疾疏乞骸

骨許之明年行抵鶴峰州

詔仍督滇中軍務同治元年自蜀入滇之銘澁蜀富愆署提督林自清率所部八萬人入蜀就食川督駱公大恐疏言自清公舊部請命公遣散會參將張正洪索擾公立斬以徇眾譁公面叱自清噤不敢動立繳印事遂定而副將張昇率所部踵至敘州觀隙至是亦遠巡遁公抵敘州適僞翼王石達開悉黨犯郡公以所部八百人協守城得全田君與恕者前

欽差大臣貴州提督署巡撫者也殺法蘭西傳天主教者數人事聞

詔興恕赴蜀聽勸偃蹇不就道

詔署滇督潘公鐸勸辦田不聽勸尋

密敕川督駱公往撫定川督疏言田亦公舊部也請壹以屬公於是

命公督貴州軍務署巡撫兼署提督公待田君故有恩馳書曉以大義

遂迎謁公於播州立交印初法蘭西人必欲殺田公以田曾任置臣繫

國體力持之乃得減戍既泄黔庫藏如洗公不得已疏請分重慶稅銀

什二三以紓黔難得

旨報可川督力柅之乃請割數郡隸川數郡隸湖南為遺黎請命皆不

行公智勇俱困竭力撐拄五六年會有齟齬之者得罷職歸同治十年

某月卒年六十有三公短小精悍無城府勇於任事撫湖南以挽回積

習為任賊退後即疏請寬文法假州縣便宜并檄行所屬條舉地方利

病反覆訓誠諱飾者罪之尤汲汲以延訪人才通上下之情為務二十

年來湖南鄰警四逼而土氣強固內患不生屹然為東南數行省根本

實公提倡之力也公卒後湖南士民請建公專祠當事疏請與駱文忠

潘忠毅合祀額曰三公祠得

旨如議行

贊曰元度初未識公辱疏調援黔有知己之感比入黔東則公方被議

求代不可得擬走會城謁公阻於賊賊平始歸見公於長沙時方手寫

十三經為日課意豁如也讀公自訂年譜為太息久之又三年遂哭公

於寢門悲夫

又記石膏化鹽事 楊象濬

楚省食淮鹽揚州破江路不通楚中鹽大貴暫借川鹽粵鹽而成本甚

大其北境食私販潞鹽忽應城縣明石膏廢井湧出滷水凡十七處民

取煮之皆成鹽足給數郡張制軍委張仲遠司馬往勘實以楚中經費

支絀議煮井鹽張往勘返謂抽稅賣滷皆不便議官前定價每斤七十

文楚六十向敷計歲入可得銀一百八十萬兩而官之餘利資以辦公者

不在焉議已定司馬欲得一襄事者請鮑憶雲大令往涿飲先生孫嘗

會張公改調吳甄甫制府來楚事事翻成案乙因為蜚語中之遂更前

議官自鬱涵先覈歲入每歲止得銀六萬兩時撫軍崇力爭以為棄多

取少餉必不繼吳以張丞欲漁利為言崇曰即令張丞得利而

國家歲入銀一百八十萬何事不可為力爭不得兩院遂成隙而楚中

自此絕餉以至糜爛入賊當餉絕時吳窘甚憶前官江西日玉山某姓

家故微欲捐銀十萬請給項戴吳不可至此鹽利盡弛不能養一兵遂

令邱令深瓚往江西先給空名執照并自書保摺稿往勸捐輸前數某

以隔省辭邱令大為辱相持半月而楚已破矣王

袁甲三傳安徽通志

袁甲三字午橋河南項城進士由主事洊擢給事中咸豐三年幫同呂

賢基辦理安徽團練尋署廬鳳穎道代領周天爵之眾破巨捻於高公

廟加三品卿銜署安徽布政使疏辭布政使即以三品卿銜兵科給事

中勦辦安徽捻匪禽捻首鄭大俊孫重倫宮步雲馬九等十二月廬州

陷四年擣蒙城賊走永城追及於蕭縣賊全股渡河甲三引軍還

旨嚴飭之會賊由黃河南竄敗之於潁州於正陽關回軍亳蒙擣臨湖

鋪偏雉河破義門移軍駐臨淮過賊北竄超擢左副都御史六安團練

復州城甲三請

恩免糧賦優敘助勦者分兵攻俞家灣禽其渠援六安軍蒙城敗蘇添

幅等於寺覺集敗烏江巨逆於馬河遣參將劉玉豹舉人臧紆青由六

安奪大小兩關圍桐城援賊厲至紆青戰死玉豹收眾退六安

旨嚴飭之五年緣事罷職尋辨獲雪

命隨英桂勦辦河南捻匪時張落刑等分踞鳳嶺徐州各境圍亳陷懷
遠蒙城夏邑虞城犯歸德會甲三之子編修保恆以三千人解亳圍甲
三自永城亳州急抵雉河賊巢督陣摧壘累戰皆捷落刑僅身免
旨嘉獎著以三品京堂候補張落刑於大橋口於太清宮於十八里
鋪七年拔王鄧姚諸圩授太僕寺卿移師助勝保攻張落刑於正陽關
分兵克韓圩十月偕勝保援固始八年二月解其圍進復六安宿南賊
踞王家圩甲三自正陽移軍宿州襲賊首乘勝攻七圩
命代勝保督辦三省勦匪事宜擊張落刑於陳家莊走之派兵復豐縣

連敗之於銅山一帶尋蒙亳賊竄歸德將窺周家口佯趨西北開封震動甲三令保恆傳振邦分道追及大破之豫境肅清九年正月派兵擊張落刑於草溝破其巢追至沱河溺賊無算

命來京供職旋以三品頂戴署漕運總督十月勝保丁憂

命署欽差大臣關防督辦皖省軍務尋實授漕運總督

欽差大臣克臨淮關進擣鳳陽鳳陽府縣兩城相距三里十年正月並克之派兵克清江浦復全椒縣督軍圍攻定遠擊退援賊陳玉成鳳境

以清十一年遣兵破泗州靈璧之賊九月疏請派兵討苗沛霖

諭甲三督同李世忠調派官軍會同賈臻田在田嚴樹森毛昶熙等各

路兵勇奮力追剿甲三遂檄世忠等攻壽州未至而壽州已陷甲三攻

懷遠適張落刑將由長淮衛渡淮而北遂移軍擊走之駐軍長淮衛解

散苗黨反正二百餘圩十一月克定遠十二月拔六合天長同治元年

正月克江浦浦口四月遣將帶兵會將軍多隆阿克廬州府七月以病

開缺回籍又疏稱苗練終難就撫二年三月果復叛

命甲三在籍會籌防剿時病已亟猶日議戰事六月卒

賜卹如例諡端敏陳州臨淮淮安並建專祠入祀河南鄉賢淮安名宦

祠

劉源灝傳 順天府志

續碑傳卷二十六

五

劉源灝字鑑泉永清人少穎悟善讀書家中落讀益勤道光三年進士
選庶吉士散館授編修甲午充山西鄉試正考官乙未出知揚州府治
獄如神數十年積案皆清釐多平反揚俗淳靡源灝首崇節儉敦教化
召各屬高材生來郡讀書勉以根柢之學造就甚眾王凱泰蔣超伯其
尤著者江督陶文毅樹蘇撫林文忠則徐皆相倚重署常鎮通海道清
江下游高郵設滾水壩四河水長至一丈二尺即開壩洩水河督張鵬
翮舊制也道光十六年秋洪澤湖盛漲大吏檄開壩急源灝念壩開則
下河數州縣田禾廬舍均被淹沒力持緩開之議河帥怒遣參將張某
持令箭飛騎來督視開壩下河居民沿隄數十萬哭聲震地源灝泣曰
吾力竭矣奈水勢不落何跪請於張吾已徧諭鄉民徒高阜願少待遂
以身禱已而天氣開霽湖水陡落張驚異以為神祐兩岸民歡聲雷動
皆曰生我者父母活我者太守比於陳鵬年云九月移任陝西督糧道
署陝撫湯文端金釗委同臬司審理積案釐剔倉糧款目添置關中書
院經費延蓋屋路德主講黜浮華崇實學如任揚州時調潼商道清釐

稅務裁減浮費以灌久涇沒農人失灌溉利捐金疏濬復其舊民德之
累遷山東按察使再遷布政使攝鹽運使運使陋規逾鉅萬卻之咸豐
元年代辦鄉試監臨武闈主考倡捐京餉

賞戴花翎四年粵匪竄陷臨清巡撫張亮基督師防漕源灝督辦省城
團練嚴紀律均甘苦巡防守禦民賴以安入爲光祿寺少卿旋按察湖
南遷雲南布政使升貴州巡撫粵匪石達開由川犯黔眾數十萬直抵
廣順距省僅七十里時兵單餉絀源灝日夜籌防守具皆備復疏請提
督田興恕來黔辦理軍務興恕名將源灝激以忠義故屢戰皆有功人
咸謂源灝知人善任云再遷雲貴總督以年老乞休同治三年卒年七

十
馬端敏公神道碑銘 孫衣言

自洪秀全以奸民亂天下用兵十年僅乃戡定而人心遂益不靖賊徒
跳兔武夫悍卒失職流落含毒睚眦往往竊發大官便文自營率不肯
窮治民益無所懲畏內自輦轂外洎通都大邑懷白刃入官寺狙殺長
吏歲或再三作而兩江總督馬公之變尤數百年所未有也公遇害事
既聞

續碑傳卷二十六

十六

天子爲之震悼詔書責捕賊甚急旋命大臣卽金陵置獄務究根株而賊所承特睚眦細故詞反覆屢變奏

既上天子疑之九卿臺諫亦有言乃

命大司寇挈兩郎官馳往覆按然亦未能深究其事初大學士曾公既
以兵定東南遂欲與民更始卵翼涵煦一切治以闢略及公繼之則務
引繩墨爲綜覈盜賊得立卽誅死小人固多不便而禍變之端發自逆
賊遺種陰謀祕計殆不可測然其事莫能明也嗚呼此衣言所以書公
之事而深爲公悲者豈獨爲公一人也哉公初用進士爲安徽知縣時
粵賊猶未起而淮南北已苦羣盜公所至以勤明爲治鋤去豪暴以安
良善遂以軍功擢牧守及安徽廬州陷賊准盜遙相應和益熾

朝廷出重臣辦治公常在兵閒尤能以才自見在定遠巡撫翁文勤公
薦之在臨淮左都御史袁端敏公薦之其後忠親王治軍河南而苗沛
霖反公孤守蒙城三月以待親王之師沛霖誅親王上公功

天子亦知公可任大事遂連擢至開府公之撫浙浙東西甫脫兵火民
困甚而前帥猶恃酷烈取辦公始至卽請棄逋賦二十七萬以幸杭湖

之民又奏滅杭嘉湖金衢嚴處七府宄斂及漕轉無名之費民大甦醒
築海甯石塘紹興東塘決三江口之淤潦有所歸濤不怒鬻重湖歧海
盜賊窟穴公屢以偏師禽其魁首而尤善於待士杭州四書院學者麇
集公視若己子弟優以資用其有細故豈不苛禁故公計至浙中丞楊
公設位會哭杭民及書院學生不期而會者數百人以不忘公遺愛也
既移督兩江卽奏言標兵虛弱無以壯根本請選各營兵二千五百人
聚之江甯親加蒐討謂之新兵五營知總兵劉啟發能捕盜令以所部
偵緝沿江盜爲衰止水潦降災河隄陲陲修浚百廢具舉同治七
年法蘭西人闖於安慶以輪船載兵轄石頭城下求見通商大臣從
臾宜豐於燕犒公曰此不足狎也反覆折辨卒有成言其明年五月民
閒鶩言西人誘我嬰稚圍而戕之以爲邪藥眾大譁將火其廬公卽遣
幹吏詰虛實且曰若欲無事則速捨鎖關局俾眾共見其人唯唯如命
事乃已未幾天津民果以謔言殺法蘭西人人益服公先見既薨西人
在鎮江者謁我關吏服色有異詰以所以則曰馬公生我爲之行喪蓋
公之遇事計慮深遠而能以威信服人者往往類此公之爲督撫不務
張皇爲名譽見賓客僚吏清坐相對渾不見圭角而閒一商推賢否輒

續碑傳卷二十六

七

深入骨髓州縣吏誠廉實愛民卽少椎樂爲之左右或圓熟爲媚奸雖
有才辨不一視其於衣服飲食車馬若一無所好雖文士圖籍之娛亦
未嘗以屑意爲布政使司時主臨淮軍計軍旣罷而羨金逾七千悉出
以資軍無所私公精力過人而於吏事尤練達僚屬慮所未及常逆爲
之處或遇事疑難眾論叢雜公徐以一言決定無不折服而尤勤自程
督日辨色起治官文書夜午始息先卒一夕向手定海防疏稿行視揚
州河隄冒暑走烈日中歸而得喉疾兩顛赤如火眾皆謂公宜齋養而
公治事如故常自謂早得科未嘗學問及在浙日寫孝經一二紙在江
南嘗語衣言曰吾於涑水通鑑幸盡讀之矣蓋公之生質旣美而又能
自奮於學以求通於古今之故充積光大必爲名臣而豈謂其止於是
耶豈非可惜也哉公荷澤馬氏道光丙午舉人丁未進士安徽卽用知
縣署太和宿松亳州補建平調署合肥以軍功擢知州直隸州復以軍

功

賞戴花翎署廬州補安慶復以軍功得記名道署按察使廬鳳潁道布
政使擢按察使布政使浙江巡撫復擢閩浙總督未上同治七年調兩
江總督九年七月二十六日校武署西偏事畢步以還署甫及門賊自

眾中躍出擊公中要害昇以入口授遺奏而氣絕年僅五十嗚呼公之年始及中壽

天子之用公與公之所以為

天子用者皆未有已也而豈謂其止於是耶昔胡文忠公年甫五十卒於湖非巡撫天下惜之者以為天實奪之若公者非天之奪之而豈人之所能禍哉公既遇害衣言以文闈事不及治公獄又一月衣言出闈大臣令會鞫賊衣言即抗言賊悍且狡非酷刑不能得實而叛逆遺孽刺殺我大臣非律所有宜以經斷用重典使天下有所畏懼而獄已具且奏衣言遂不書諾嗚呼衣言之所以奮其愚戇為公力爭亦豈獨為公一人也哉公既薨

天子特詔加公太子太保入祀賢良祠諡端敏嗣子毓楨以主事分部

行走又以安徽巡撫英公言

賜專祠安慶最後又

詔以總督陳亡例予卹

賜專祠江甯而大學士兩江總督曾公又請祠公於本籍清澤嗚呼

天子之聖實能知公

續碑傳卷二十六

大

金

天子之仁實能哀公公而有知其可以無恨也已公娶金氏生二女無子以弟新祐之子為子毓楨也瑁二某某其系家先德衣言嘗為公考贈光祿公之墓碑茲不具書銘曰

吾朝乾嘉漢文景世雍容盛平亂芽其際非亂自芽實繇官邪殖已蓋厚而貽民瘵民怒無控久則一渫十稔乃已伊誰之力幸享其成遂怙其逢弗懲其既酣嬉鼓鐘懿公之承元侯儒重畫一守規以因為用曹任長者張惡齋夫宦巧萬方無隙可圖善人之效百年匪久方馳而蹶有施勿究豺耶虎耶亦有虺蜴人則何心而勿公側我銘之石無所避阿石可泐也銘則不磨

蔣志章傳

江西通志

蔣志章字恪卿鉛山人士銓曾孫道光進士改庶吉士散館授編修充國史館協修

文淵閣校理咸豐初以父憂歸屬軍興在籍治團練事服闋補江南道監察御史轉兵科給事中兩充順天鄉試同考官稱得士咸豐十一年

奉旨巡視南城時天津夷警會辦團防屢矯眾議獨任勞怨旋授廣東督

糧道濱海沙田開墾升科累釀巨案志章力矯前弊民情帖然有質成
悔過者署布政使遷兩廣鹽運使時粵匪初平商未復業裕課恤商至
今稱便遭母喪解職服除赴都有

旨辦理清河振務授浙江按察使升四川布政使擢陝西巡撫行抵沔
縣值甘肅金積堡賊突圍志章兼程之任甫三日賊已大至蔓延十餘
州縣省城防兵僅千餘有言宜固守待援者志章曰是示之怯也激勵
將士出城迎擊檄駐陝防軍扼要截勦越一月賊窮蹙遁去關中遭寇
亂流離失所北山尤甚志章定先撫後勦先振後墾奏請發帑

上從之於是慎選牧令散給籽種招徠開墾是歲大有流民再生以疾
卒於官年五十八遺疏入

上震悼陝甘總督左宗棠復疏陳志章外和中介清風惠問實與前四
川總督駱秉章前福建巡撫徐宗幹同無開然

諭賜祭葬

予諡文恪志章潛心性理雖燕居不苟言笑敬慎謙和刻苦自勵居家
課子弟教養婚宦賴以成立戚族窮乏推解無所吝至告貸典質以應
之服官後置義田以贍族官轍所經布德行惠始終不倦同治十二年

續碑傳卷二十六

九

崇祀陝西名宦祠士民爲立碑於潼關刻石紀功德

四川總督吳公事略

吳昆田

吳棠字仲宣盱眙人也幼勤於學家奇貧不能具膏火讀書恆在雪光
月明之下以舉人大挑補桃源縣俗號强悍善治者率以猛棠獨以寬
有獷惡子素橫於鄉里一日方與人鬪嚴按之極口唾詈聞者以爲卽
捶楚死矣棠始使拘繫次日跪堂下泣涕求死遂婉譬而釋之卒成善
良久之鄉閒不見有吏人迹時躬巡四野每止宿老婦則手雞卵數枚
以獻曰公食無肴也三年大治調清河清河與桃源接壤民俗柔弱素
懼桃源自棠宰桃源而清河境土無擾以此久感服至是益大喜如家
人父子相親以邳州多盜調署去禽斬數百人咸豐三年粵匪踞金陵
陷揚州淮郡戒嚴復檄回任清河招集民勇申明紀律鄉鎮立七十二
局練勇數萬首尾聯絡並傳檄鳳嶺廬涔宿徐海各府州縣指天誓
日勇氣百倍淮揚數百里閒隱然恃若長城以憂去官皖逆旣大起土
寇緣之橫行民請衰絰而治河北盜當路不善也袁端敏公督漕江北
興團練之役將以棠任其事當路又不許去守徐州十年皖捻李大喜
遂陷清江浦始檄署淮海道道路經過火壁灰竈殘肢膺體與民相視

而泣方整頓傷夷誅鋤蘊孽輒有綱紀而以

特旨授淮徐道去淮海之民爭互攀留致相讐疾既蒞徐州道任修寨保民賊數至不爲害尋有江甯布政司署理漕運總督之

命以十一年除夕履任先是清江浦旣灰燼論者以爲墮甌不宜復顧宜卽淮安府城舊漕署居守爲便棠至則謂清江浦四達衝衢使賊得之勢益鴟張山陽以下豈得獨完哉於是駐師瓦礫之中築河北土圍春初賊果大至版築之聲與礮火相聞也賊直薄圍下居民皇皇翹足思散棠植立圍上手發巨礮賊遂敗退仍踞桃源之眾興鎮將爲持久計我兵單饒紕援兵雖集而不爲用乃飭都司陳國瑞馳赴眾與賊壘旁爲營以逼之時出不意以遮擊之不十日而賊遁境內又安民得收麥旋築清河縣城屹爲重鎮四鄉圍寨次第興修同治五六年閒賊再竄擾皆不得逞旋就殄滅堅壁之效也海贛土匪各結圍岩嘯聚成羣同治初閒結西逆相殘殺頗爲清淮患棠以計撫之收其豪士入肄業書院武夫注籍卒伍反側以安皖逆苗沛霖素有逆謀以淫殺威劫聞於遠近及反急攻蒙城千里以內士無固志棠命陳國瑞出師援鄆蒙城圍解苗逆伏誅而淮清之圍練始徹民獲小休則創建文廟大成殿

續碑傳卷二十六

二十

並建崇實書院寬義學四所經師課誦人文大起自黃流北徙淮水南趨運河無糧艘者數年棠擢節饌需以其贏餘購米四萬餘石首試河運募雇民船見者呼曰小糧船小糧船至今不廢河督旣并於漕督御史請裁河員汰河兵而部議增設淮揚鎮重兵並酌定營制疏令漕臣核議棠議清江浦旣爲重鎮則駐浦之兵力宜厚請設鎮標左營及城守營與中營並駐清江浦餘量爲變通凡十一營改修防爲操防悉隸鎮標又以河運兩灘未經墾佃之處試行屯田之法劃予各兵督耕充饌以自然之利養有用之兵規模大定矣自咸豐以來江蘇全省破敗棠起家縣令撐拄補苴至清江浦旣陷而棠赴徐州汴唐殲賊秉節東來所以奮怯完殘效忠忘倦者前後近十餘年

天子嘉其勞卽眞漕督復授江蘇巡撫升兩廣總督皆以江淮未輯請留不果行同治五年奉

命督閩浙七年補授四川總督光緒元年乞病歸取道秦豫自徐而淮居民焚香頂祝望見顏色歡聲雷動猶家人父子之久別得聚首也蓋棠之忠勤勞瘁盡於江淮矣歸後不一月卒於滁事聞哀贈有加諡曰勤惠淮人請於清江浦建專祠歲時致祭焉

吳勤惠公傳 黃雲鵲

公歷官政績

特旨宣付史館國史自有傳雲鵲受知深知公亦深素慎於文今不能自已私爲傳以示後人公固不藉是傳區區之心欲藉公以厲世教云爾

公名棠號仲宣盱眙人考聖基隱居教授公少承先訓志古聖賢體用並賅之學務堅苦自力弱冠遊邑庠旋舉於鄉五上計偕不第以大挑出令南河攝礪山補桃源平生養士恤民之政自茲始調清河未幾豐口漫邳州水患劇檄署邳烈日積潦中勘災散振民閔其勞爲流淚咸豐三年春金陵揚州相繼失守清河扼南北咽喉民大震檄調回守清河清河無城郭無兵徒以忠義號召士民倉卒設團募勇誓死守不數日聞風應響者數萬人聲威大振乃爲敵愾同仇又約連衡鳳潁滁泗淮徐揚海八州人使禦賊賊自下濶皖所向無前至是徘徊瓜揚閒不敢進事聞

文宗諭曰知清河縣吳棠團練鄉勇甚得民心若令帶勇必甚得力公讀之益感泣自奮丁母憂去職百姓遮道泣留旋丁父憂在籍倡義討

續碑傳卷二十六

三

賊連勝游保道員服闋補授淮徐道幫辦徐宿勦匪事宜豫皖閒有匪曰捻以蒙亳爲巢一歲數掠徐公力行堅壁清野法賊無所掠民始樂生聚雖餉不時繼士卒感公誠戰益力故所向有功以與士卒同臥起沮洳中感受溼成癩風終身不愈咸豐十一年春

命擢江藩署漕督即日移駐清河賊厲至倉卒戰守屢危復安始建石城爲縣治築運河東西二圩爲犄角時粵捻二逆勢熾所以不敢越淮駛北者實公捍蔽之力居多論者謂功不在睢陽下其不遂爲張許者蓋

宗社之靈使然公弗自功也亂後運道廢改海運公首疏請復河運部議是之同治五年

命督閩浙未幾使粵東旋調四川川中屢經兵燹時秦隴滇黔皆有事籌防協餉次第廓清公念經亂以來吏喜操切宜培植元氣凡養士恤民之政知無不舉十一年旱荒奏請振糶憂閔一出至誠存活無算所至勸學興教孜孜如不及十三年疏劾奸人李光昭獻木植助工之僞上感其言立予殛斥工亦旋止海內偉之是年冬以病乞退不允光緒元年病劇乃獲請抵里九日病沒沒時惟訓其子讀書力學報

國愛民語不他及公自牧令泅陟封圻服官三十餘年清謹之操仁惠之政人所共知嘗書陽明願聞已過求通民情二語揭爲楹帖所在張之藉自警惕其克已勤民撝挹善下之懷實近今所罕見去蜀日士民走送者不絕過淮徐民懷舊德爲夾道焚香遺摺入都

上震悼予諡勤惠政績宣付史館

允歷官地方祀之著有望三益齋存稿讀詩一得義蘊醇厚如其人子炳采早沒炳祥庚午舉人候選郎中炳和附貢生一品廕生公沒後

賞舉人

黃雲鵠曰世歧仕學爲二謂學古太深者不宜於官以予歷觀古今名臣碩輔皆眞學人何耶泊由兵曹之外遇吳公乃恂恂儒者使人忘爲大吏僚屬中有學道愛人視民事如己事者歎賞愛護誠溢詞表雲鵠由雅州移成都巡建南事公久每謁見時必勸以節勞獎以爲民造福爲

國安邊會奉母諱先公去遂不復見公今次公行事爲傳不惟感激知遇亦欲使後之覽者知名臣碩輔多學中人毋以仕故遂全棄所學也

同治朝督撫

廣東巡撫調署廣西巡撫李公神道碑

方藩願

封疆大吏以縣令起家者習知民間疾苦地方利害與夫僚屬之賢否政令賞罰之是非得失一旦提綱挈領鼓舞而振興之則如樹表見景操縵成聲往往事半功倍不勞而理焉藩頤承乏監司十餘稔所見者惟山左李公其庶幾乎公與藩頤道光甲辰同成進士同出倉少平師之門同官嶺南顧其先乙未公舉於鄉藩頤則僅中副車迨釋褐登朝藩頤倖登詞館而公則捧檄於外藩頤觀察南部時公猶權廣州守會幾何時公由都轉而臬而藩洊開府先治八閩幾撫兩粵而藩頤則依然以老鹽官自粵之淮不幸於邗溝舟次哭公之喪傷何如也嗚呼公下世已六年矣適公友嘉興陳君蔣松欲還浙藩頤延之入幕暇輒與公談往事咨嗟不已曩未見公狀陳君乃發篋出畧重感齊年交且相隨幾十稔謹次公生平書於麗牲之碑而為之銘曰公諱福泰字星衢濟甯州人高祖學孔以貢生教授鄉里曾祖浩祖萬松皆有隱德

考崐砥行力學慷慨持大節里人咸服之四代以公貴皆

續碑傳卷二十七

贈如公官妣張太夫人生子二公齒居長年弱冠補弟子員迨成進士以知縣分發廣東粵俗號難治贈公訓之曰地方官患不清正清則人畏正則人服畏且服彼粵民方效順輸誠之不暇何强悍之足云厯知饒平潮陽番禺三縣事為政以安良除暴為先粵中風氣大都匪強紳弱公毅然扶正抑邪力去吾民之害遇械鬪案則必緝正凶誅首惡然後審兩造之曲直而持平以斷案無留牘宰三邑皆然人心悅服公又以粵民趨利而不知有義欲端民風首在正士習每見士子輒諄諄於義利之辨勸之以敦品勵行一時爭自濯磨蒸為善俗上僚咸重之咸豐四年五月東莞會匪何六倡亂於石隆東莞故有巡船素稱敢戰縣令馭之非法遂叛而投何六陷東莞距廣州僅一日程省垣震動公時宰番禺稔知省河巡船與東莞巡船有隙屢在外洋私鬪以之擊賊必得力且不煩征調請於當道從之連戰皆捷七日而復東莞夏杪會匪復四起西則陳開踞佛山鎮北則甘先踞佛嶺市南則陳汎濫陳險涼踞沙灣茭塘各擁眾十餘萬窺伺省垣惟東南鹿步司一路可通薪米入城而其地向有土匪甘陳諸逆喉之相應遂成合圍之勢先是有爭

水互鬪案旋息旋鬪者廿年公親至其鄉開誠勸導集紳矜耆老爲之
理處民皆罷鬪感公恩恆思效命至是公乃設局於城外東山寺曉以
大義僉曰如公約一鄉通賊眾鄉擊之以孝廉馬汝泉主其事期於每
月朔望會集以聯官民之氣人心大定賊恚甚急攻之並屯大隊於南
海神廟均爲鄉團擊走東道不梗轉輸相繼卒得成功甘先之踞佛嶺
市也鄉民從之賊張甚我軍屢挫公招北路紳士之避亂居城者告之
曰賊固烏合焉能成事若子弟多聞從逆事平皆族矣諸紳愕然問所
以治全之策公曰逼脅爲逆許以自新其速傳諭子弟回鄉勿助賊由
官給以保甲牌先回鄉者註明於牌他日入村收捕凡牌內有名者皆
勿殺眾唯唯而賊勢瓦解我軍克其巢甘先竄湖南復爲楚軍所敗率
殘賊三千餘折回鴉湖公以三千人屯募德里大府以鴉湖匪多且罪
魁必盡殺公力持不可大府怒嚴斥之同事者咸惴惴勸公變計公仍
持前議謂各鄉之不肯應賊者以先有逼脅勿殺之言也今若食言鴉
湖縱無足惜脫數百村反側各路逆酋又從而煽之是堅其從逆之心
而驅之使合己不遵功令罪也遵之而變生罪更大不待再計矣徑召
紳耆復申前約予限捕賊無不歡呼用命計先後縛送逆犯三千餘名

續碑傳卷二十七

二

獲甘先寘之法北路肅清鴉湖丁壯萬人胥賴公一言全活化互鄉爲
仁里焉六年洋人申入城之請當道拒之因而構釁九月二十五日洋
船闖入省河攻外城城破十餘丈公以米糶實泥沙塞其缺礮不能入
退營海珠臺以開花巨礮向城轟擊晝夜鼎沸公請於大府募敢戰士
四百人駕小艇夜擊之臺高艇低臺上之礮不能及艇而我艇小礮向
臺擊之無不中者十二月二十三日夜我軍出隊連環轟擊三時之久
直抵臺東勇目關龍率十餘人攘臂先登洋人乃由臺西遁去翌日洋
船退出省河民居安堵是役也官弁出入火光中兩月有餘公常駕小
艇督戰礮數及於頂絕無所傷七年西北兩江有事兵勇紛紛遣調省
中惟林福盛勇九百屯北郭外鄧安邦勇七百屯東郭外官紳議曰外
洋兵退已久可以議和太府不聽伍某又請勿令入城祇於城外設公
所公使來則督撫出城見之提督來則司道出城見之領事來則守令
出城見之不聽十一月英法兩國合師來犯請增兵不許請調鄉團不
許十三日黎明以大礮轟城步隊六千撲東門鄧勇七百禦之戰甚力
自卯至午傷亡過半不退二更入見大府許以撫軍兵八百助戰十四
日兵未出而英人已蟻附登陴紳士請議和汔無成說公乃與南海令

華廷傑潛約王太常映斗許太史其光林觀察福盛梁孝廉葆訓號召鄉團爲規復計初六日會於石井之蓼采鄉各路來會者數百人是日定議開局於石井傳檄省外十二縣諸大神皆許之卒以和議格不行八年粵賊石達開由閩竄陷嘉應圍興甯總督某調卓興一軍赴援自駐龍川督師卓軍解興甯圍賊棄嘉應趨船塘墟去龍川八十里謀報賊欲犯惠州前廣西按察使張某請制府迅返惠州以顧根本公進言我軍雖單而賊蹤靡定應伺其動而疾擊之若大軍遽回惠州軍心一搖不可復振賊大股踵至何以禦之乃止同治三年僞侍王李世賢由江右撲南雄時公已擢廉訪大府奏請以公督辦東北兩江軍務賊攻南雄不克沿粵邊入閩龔武平永定公督各軍擊破之先後收復兩城賞戴花翎四年正月奉

旨馳赴潮州督辦潮防尋擢粵藩仍治軍事公以嘉應相去數百里力難兼顧請派員分辦嘉防大府不許二月行抵三河壩賊酋丁太陽全股下竄扼之於楓朗賊竄平和進陷詔安乃以鄧勇三千營黃岡之分水關禦詔安賊連戰皆捷賊回竄永定詔安下潮防以固而康逆與林逆兩股已由上杭之大沽灘渡河入嘉應界公由潮抵嘉應堅守州城

續碑傳卷二十七

卻之公旋因事交浙閩總督今湘陰相國查辦奉

旨以道員降補賊龔嘉應陷之公聞警往援省餉久斷諸軍奔馳窮谷中掘薯而食冬無棉衣朔風栗冽死亡相繼無退志亦無怨言相國移師松口嘉應復粵賊盪平五年正月至松口謁相國令籌策善後事宜初咸豐七年冬贈公卒於家大府奏請奪情留粵遷延十稔公以軍務竣請假回籍補制行有日矣尋奉

旨馳赴潮州辦理中外交涉事宜是年秋復補粵藩十一月拜福建巡撫之

命由粵入閩途中商民環訴抽釐兩起兩驗共抽四次民不堪命下車之始首議減釐二層商民稱便劾福州延平兩郡守吏治肅然兵燹後田畝荒蕪賦額久絀前撫臣奏請清理田賦糧戶慮追舊欠復業者鮮公請以墾復之年起征舊欠悉予豁免於是逃亡者陸續歸業冬調撫廣東公籲懇入

覲並申重補制之請奉

旨俞允八年入都

陛見後卽回籍持服百日航海抵粵公以粵東風氣漸歸樸厚獨潮州

九屬強橫如昔歷任有司寬嚴未得其當又罕能廉潔自矢以爲民表率者因偕制府瑞麟公奏派方總兵耀及候補道沈映鈴吳贊誠督率弁兵周歷各邑村莊清釐化導手訂章程入條曰別良莠曰禁需索曰絕械鬪曰散鄉會曰查私抽曰清田畝曰明賞罰曰許自新諄諭官紳實力辦理牧令則簡廉能者撫字催科並行不悖甫及二載閭閻靜謐比戶可封於是

朝廷百十萬正供輸將恐後而水陸諸軍待支餉精補發無虧說者謂藍鹿州治潮普兩邑未能如今日布化之速也九年冬調署廣西巡撫公母張太夫人年已八十有三灘河險阻艱於就養公命家孫世昌侍太夫人居廣州公抵桂林整飭邊防翦除伏莽滅商釐以甦民困裕餉精以固軍心昕夕講求不遺餘力蓋無異於當日之治廣管也十年三月二十六日薨於位享壽六十有五公原配楊夫人先卒繼配朱夫人咸豐七年洋人入城之變夫人在番禺縣署聞民間謠言投緘殉難請旌於朝筵室張恭人孔孺人子五家麟候補員外郎楊夫人出先公卒家桂家鳳朱夫人出均殤家玉候選主事加員外郎銜家蘭皆張恭人出女五長適孫次適張三適郭皆朱夫人出四字孫五末字皆張恭人

出孫一世昌孫女二均家麟出公以某年月日葬某銘曰

續碑傳卷二十七

四

我筦馬筴步公之後百無一能鈺規是守公治軍旅我攝公筴竭蹶將事不匱輸轉公之服官廿有八年奔馳戎馬遭際連邇公向我言援枹痛哭一著棋輸致壞全局不戰不守身爲國辱鯨鯢沸波至今流毒我服公量汪洋若海我服公行平平如砥我服公才恢恢有餘我服公功謙謙不居名聞

九重多薦公者蹶而復起公心彌下公之愛民自始至終公之律己有約無豐同譜一人公掌封圻老母在堂驂鸞奚歸前李後朱望垂東粵公也繼之民無異說惜乎暮年乃秉節鉞千秋萬歲請觀此碣

太子少保東河總督喬公墓志銘

方濟顯

濟頤曩在京師因李子皆太守得交於公時公官工部政最簡春秋佳日輒就子皆與予爲文字飲坦夷和易脫略形骸並識濬泉溥泉兩丈而亡弟子健來應京兆試亦獲交於公及公典郡擢監司濬濟開府三十年中望尊位顯獨於春明故舊念念弗忘遠道馳書歲時不絕手自作賤情詞肫懇子健殉丹陽之難荷公疏聞於

朝俾邀

賜卹尤感大德迨濬頤量移兩淮適公養痾海陵拏舟過訪驩然道故自是通問更密公再出山相去太遠尺一往還仍如疇曩乃光緒初元遽聞惡耗中懷悲悼不能自己公之扶危定傾布澤行惠大江南非萬口同聲稱道勿衰公與濬頤同庚表揚勳烈傳示來茲固後死者之責也謹詮次事蹟爲文以埋諸幽公姓喬氏諱松年字健侯號鶴齋山西徐溝人曾祖玠祖人傑湖北按察使有捕盜救荒治河諸大政書傳於世乾隆五十八年英國入貢道天津廉訪公時爲觀察宣布

朝廷威德饋遺悉卻之英人敬公馴服盡禮而去嘉慶中英人猶有慕名求見者而公已歸道山矣父邦憲刑科給事中本生父邦哲直隸遵化州知州三代皆以公貴

贈榮祿大夫振威將軍妣皆一品夫人公幼穎悟資秉過人道光甲午乙未聯捷成進士年甫十九以主事籤分工部補鉛子庫主事升都水司員外咸豐元年典試湖南得人爲盛遷屯田司郎中截取知府揀發江蘇先權常州未幾調署蘇州時粵寇冠張甚潮勇潛通上海賊酋劉麗川圖不軌公偵知之自上官誅其爲首者而人心以定會上海七營兵潰沿途劫掠金閭戒嚴城晝閉公由水關出撫循其眾安堵如故尋補

續碑傳卷二十七

五

松江府知府兼攝蘇松太道佐巡撫吉爾杭阿公治軍出奇制勝克復上海改署常鎮通海道旋卽眞除丁父憂吉公規復鎮江奏請奪情檄辦營務公之初至常州也設保衛總局嚴詰姦宄屢有所獲如守蘇時吉公師燬身殉潰兵之患甚於上海公亟白當道撥餉十萬赴新豐鎮招逃亡歸伍散給口糧堅請總督怡良公移師丹陽以固門戶有土匪受賊指者立禽爲首之姜方槐等十八人寘之法餘勿問是年復大旱則請免抽米釐與商販護票諄勸富者輸將凡振濟六次全活甚眾鎮江旣復公仍兼理營務處請設官銀局行鈔票法民皆稱便嗣兼權兩淮鹽運使行假道法准鹽由東壩運銷輸課尋丁降服憂天府倚公再請奪情由是

朝廷知公才擢公運使當是時兩淮引地不通商販四散司庫如洗公移駐泰州設法招徠每年得課數十萬以濟餉糈擢江甯布政使甯江北糧臺轉輸不匱威愛兼施消薛成良之患於未萌揚之人汔今猶能道之庚申江南大營潰長江水師枵腹而譁公與各將領約片帆勿渡暫由北臺協濟並令沿江民團聯絡聲勢以助水師江非因之無恐江南避難士民紛紛渡江土人利其輜重卽戕之公於泰靖各港口設巡

船防竄賊渡難民并於泰州設局收養病者施藥沒者施棺行者予賚居者予食事平之日資送回籍故常鎮之人僉曰公文我母我也同治二年擢安徽巡撫苗逆初平捻匪尙橫任柱張總愚等竄突楚豫以蒙毫爲老巢公由臨淮進扼壽州外櫻巨寇內靖土匪三年冬任張捻馭十餘萬回窺霍山公檄諸軍隨僧忠王大兵蹙之於英霍之交斬其渠魁解散黨羽幾十萬逆黨姚紹采徐廣山輩投誠陰謀乘便公不動聲色捕而殲旃又以雉河集爲捻之老巢議於其地建渦陽縣並建龍山營於宿之龍山集移鳳臺縣治於下蔡又以皖北幅幘遼闊廬鳳頰道治不及議分設安廬道於省垣奏入皆

報可六安霍邱之王稀毛猴王庭用爲著名巨憨公又盡禽斬之於是商賈漸集釐稅日充軍餉以裕公旣除道梗復慮田荒乃買耕牛市穀種分給鄉農俾資生聚其流民來歸者資遣之與駐秦州日無異四年淮水漲溢壽州城不沒者三板百姓露處高阜磬磬待斃公廣備糧糧汎舟以振十餘萬眾得慶再生軍書旁午文教不興修復書院以逆產充公爲久遠計又與治常州日無異皖省稅則本輕願以規費日增上下所需取給於此故浮收之數有數倍於正額者且有私收折價至十

續神傳卷二十七

六

數倍者公重加釐定奏明通省暫征折色除解部定價外酌留羨餘以濟公用而陋規盡數刪除民受其福公亦不至重累十餘年官民相安從無一征漕滋事之案蓋瘡痍未復公之所以培養之者深也五年調撫陝西出壽州士民送者相望於道時張總愚擁悍黨西趨橫互於華渭之閒公輕車由蒲渡河取道同朝入境後卽率師渡渭營渭南以守爲戰師未至賊已越渭長驅而入公亟由閒道入省嚴備以待無何陝軍潰於灞橋賊直薄省垣隴回亦踵至城中無一可恃之兵人情洶洶公激厲疲卒登陴固守招集散亡以圖復振奏調劉松山郭寶昌兩軍入秦連敗賊於咸陽岐山富平朝邑捻不得休息與回再合一年之中捻未能挾回以窺河東繫公之力也又以西同鳳所轄地勢平衍力申堅壁清野之議令大小鄉均築堡以守厥後湘陰相國統師廓清隴右公實有預爲之謀者體本羸弱頻年籌兵籌餉心力卒瘁七年春移疾

得

請僑居秦州閉門著述繼配劉夫人工書畫雅有唱隨之樂八年劉夫

人卒公子然一身惟恩報國九年北上復拜倉場總督之

命十年遷東河總督公統籌全局周歷履勘議築隄東水順黃北趨入海爲一勞永逸計惜不果行盛暑嚴寒宣防河次因復積勞成疾十三年十二月間

穆宗教皇帝升遐呼號欲絕光緒初元正月奉頒

遺詔哭臨禮成嗚咽過甚昏眩不起掖之入內遂臥床絕粒以二月十四日薨享年六十有一遺疏上聞

九重震悼贈太子少保公無嗣繼弟之子聯寶爲後聯寶甫九齡

恩賞主事公手不釋卷其已刊者爲摩羅亭札記未梓者緯牘數十卷

暨詩古文辭藏於家接見僚屬雖炎暑必衣冠危坐不揮箠何東洲太

史贈句云裘帶輕溫羊叔子衣冠樸野衛文公蓋紀實也在軍治軍書

一目數十行夜分始寢暇與賓僚討論往事講求利弊孳孳不倦其御

將佐則解衣推食如家人父子而處變決疑當機立斷雷霆迅發莫可

端倪待親故不少吝而不可干以私恢宏好結納而不周旋當路清風

亮節卓然可傳於世公薨之後皖紳請於臨淮壽州各建專祠大府入

告

從之昨又聞常州紳士請入祀名宦祠公之遺愛在民信而有徵非予

一人之私言也某年某月某日葬某銘曰

我初交公兮公則了不異人公之出而與郡兮乃遭際夫邈迤既福三

吳兮又福吾皖建牙樹纛兮經綸大展公爲名臣兮又爲通儒公不驕

人兮中抑抑而外愉愉公所造就兮皆美材狀公生平兮簡而該何以

報公兮曰報公以文字濡禿管兮揮老淚迢迢佳城阻南北兮我思執

紼嗟未得兮如公有幾

三朝宣力兮千秋不朽俾貞珉之是勒兮

湖南巡撫惲公墓表 湯紀尚

陽湖惲氏以節義文章望江左勝國時遜菴傳葢山學以貞隱終香山

南田諸老蟬蛻鴻蜚滄息天地泊嘉慶朝子居先生以著述匯一之而

祇遜紹衣趾美益篤者有若中丞公公子居先生從子也名世臨字次

山曾祖士熿妣錢祖輪妣鄧父敷乾隆甲寅舉人仕浙江海甯知州有

惠政祀名宦妣張梁以公貴

贈封如例公以廉吏子食貧劬學孤清俊立矯然流俗外道光癸卯舉

京兆乙巳成進士入翰林散館改主事觀政吏部累轉郎中記名御史

掌山西道監察御史京察一等授湖南長沙遺缺知府補常德擢岳常

澧道特晉布政使旋奉

命巡撫湖南未幾被誣落職沒後復原階祀名宦公仕宦數十年計必達至微慮必極至遠持成格以繩畸嚚之情援古誼以削夸毗之習軒車所泣必薪薪有以自禳皆古勞臣所必爲者在吏部日捐例碎細爲奸利藪公听宵治檔冊勤職不劾吏憚其廉泊入諫垣謇諤不阿西南夷顛顛互市要挾萬端疏兩上悉

嘉納公內嫺朝廷掌故外諳郡國利病於是朝野望大用而公果由郡守不次遷秩五載而開府焉公之守常德也綜核名實痛革宿習蘇枯振蕙相濡以仁老奸宿賊聞聲栗魄時粵寇蹂躪實慶郡境牙錯饒關兵單譎言雷動公選勁旅以扼奧區設礮船以截要隘亂遂定郡濱沅雨盛漲飛走路絕西門花苗隄控巨浸勢垂壞公晝夜督畚發再竭再潰水沒蹀眾色然駭請休公曰吾與隄存亡矣咸奮築隄完民以安其銳身爲民謀類此

本朝布政使以牧伯而筦度支軍興後沿江壁壘軍需一資於湖南東征協饗巨萬紳士出納而官不問誰何公受任司庫移交銀千兩而短輸六十萬公爬梳簿領釐剔陋規以贏縮相劑節銀三十萬又哀所謂

續傳卷二十七

水錢者亦巨萬終公任支解裕如是時曾公國荃翔師於金陵以一軍擣雨花臺逆酋李秀成盡銳殄突我軍鉛藥垂盡公立以三十萬斤埒夷編以東七日而達金陵大功成有擬陳公勞者公婉謝之未幾有巡撫湖南之

命公任巡撫如治郡降逆賊李幅猷禽黔寇曹元興亭徹宴然專意吏治以儒術鐫摩之儲積穀杜浮收別訟盡飭官方端士習擴學舍民俗丕革愉頌頹際百蠻湘人士推公治行擬之趙恭毅陸中丞之倫而羣蜚刺天遂不安於位矣初公守常德時苦粵警饋給不支集紳商議每鹽斤增稅錢二濟軍實贖請後行出納紳筦之郡賴以靖至是公爲巡撫當奏署布政使越次用糧儲道按察使某不能無望請病去言官某摭雜事入告使臣推問無左驗乃以鹽釐事實之擬上鑄級去官公躬躬引咎不欲以辨得直一時湘中士大夫翕然推之爲治裝歸焉公爲治明習文法吏例察下控覈而鈎稽必責其實其撫湘陽同好惡於人而內實耿介視苟且之政蹙然若叢垢被體者晚居吳下獨居深念猶時爲國規久遠大臣先後薦達

朝廷亦鑒公忱而公顧不獲延寒暑以待眾論皎然之日俾實觀忠忠

吐謨之嫩也嗚呼悒已公娶梁繼娶戴先後

贈封夫人子五桂孫某官領孫侯孫梁出炳孫秀孫戴出孫五公以嘉慶二十二年正月十三日生以同治十年六月初一日卒年五十四桂孫將以某年某月某日葬公於武進某某之原具狀乞聲其幽乃表公治節揭隧道使過者肅然知清吏惇公之墓云

陝西巡撫劉公墓志銘 郭嵩燾

公諱蓉字孟容號震仙姓劉氏世為湘鄉人少負奇氣能文不事科舉與同邑曾文正公羅忠節公力求程朱之學躡而從之尤務通知古今因革損益得失利病與其風俗及人才所以盛衰慨然有志於三代思一用其學術以興起教化維持天下之敝不樂貶道以求仕進年三十五邑令朱公孫詒陰使其父督就試補弟子員會兵事起與羅忠節公王壯武公治團練里中已而從曾文正公長沙用團練功保訓導曾文正公既克武漢轉戰江西羅忠節公從戰至義甯州上言曾公武昌再陷長江要害盡以資賊誠欲埽清江路以復金陵必自武漢始江西一隅利病非天下所繫請由義甯西出崇陽通城規武昌據天下形勝曾公壯而許之公力言羅軍去吾屬且坐困曾公曰吾固知其然而復

續傳卷二十七 九

武漢天下事猶可為今與俱困於此無益公曰誠然吾亦欲西耳於是羅忠節公以左營屬公累功保知府

賞戴花翎攻蒲圻弟蕃死焉公既痛弟又傷父年高解兵歸旋丁父憂咸豐十一年駱文忠公總督四川調公佐其軍遂以知府

賞三品頂戴署理四川布政使尋授實於時四川久困於賊陷城據邑者數十而藍大順李短達為最巨公策藍逆悍而李逆之黨多宜先其

悍者急蹙藍逆縣州又躡之丹稜李短達遣黨來援遂擊之眉州進圍青神而潛師擊丹稜大破之李逆以其閒分踞合州定遠要隘勢張甚

公度賊勢緩急應之數殲其軍賊悉眾踞宜賓之八角寨而金陵巨寇石達開自黔竄入蜀由涪州至敘州滇南賊何金瓏又分竄筠連高珙

與石逆合公念川賊漸平而石達開之氣方銳今竝注於敘其勢將合併以逞而不可遏急言於駱公請自視師敘州再戰禽石達開旋有

詔督軍陝南就授陝西巡撫時漢中已為賊踞公力扼巴州而遣輕騎出甯羌復漢中以達長安會關隴饑甘肅回逆出沒北山捻逆又自商

南內犯四川餘匪亦將闖入陝境公承死亡之後灰燼之餘外完疆宇

搏擊剽悍推功獎勞而內拊循其民人噓枯蘇困開化勵學政教大行

已而回逆驟薄省城存城兵四百人文武吏皆洵懼公曰賊遠至不知我虛實乘其計之未定可破而走也躬率四百人分兩翼馳而下賊驚顧大呼擊之果逸去陝經亂久田卒污萊民無所得食公以鳳邠道黃輔辰精於吏事使經理回民叛產設法開治歲獲穀數百萬斛民安於耕吏勤於職廩廩然有望治之心矣以忌者中傷爲言官所劾公疏辨語激

詔尙書羅惇衍治其罪坐降五級調用陝甘總督楊岳斌密疏懇留上意解仍署理陝西巡撫公以病乞解職迺留陝辦理軍務而以喬松年巡撫陝西松年心曠公所爲以不得逞其志齟齬甚會有灞橋之敗自劾歸同治十有二年十月初一日子時病眩遂卒年五十有八湖南巡撫王文韶以聞

詔開復原官四川陝西皆請祀公名宦四川又合祀之駱文忠公祠公性沈毅而闊達開朗傾誠與人一無隱飾至其臨大敵決大計從容淡定內斷之心人莫測公所爲相顧驚疑事定乃大服在官與人以禮進退不以得失毀譽爲意解官歸自言志幾於道而行之有弗達學不足也天下之變無方而吾心之知有閒及是時勤吾學焉可矣於是益自

續碑傳卷二十七

十

刻厲築玩易閣讀書其中足不出庭戶七年其志意淵然求古聖賢所以治其身以及天下不幾於化不止也嗚呼此公之死所以重爲天下悲也曾祖循南祖有璋父振宗並以公貴

贈光祿大夫妣皆一品夫人配王夫人子鴻業候選員外郎三品頂戴

賞戴花翎麒麟祥出後第蕃世襲雲騎尉候選同知女四人長適世襲一

等毅勇侯曾紀澤次適四川候補知縣陳錫鬯餘未字孫六人公所著

奏疏若干卷養晦堂詩文集十四卷思辨錄疑義二卷經史譚論甚夥

皆未成書公卒之明年二月葬白竹山之原子首午趾高燾旣會葬退

而綴拾所聞以志於公之墓自公父以上世有隱德公父尤恢奇有才

識嘗私語威毅伯曾公國荃天下之亂已兆無有能堪此者其吾滌生

乎君與湘陰郭公及吾家阿蓉皆中興之資也時天下無事曾文正公

以翰林官京師其言若可怪愕而後乃皆驗云銘曰

民勞俗傲賢達孳孳方其未遇與世若遺委心於民羣議眾媚浩然剛

大何有枉撓公起逢掖贊戎操翰扶艱植危手厝之安道申身蹇孰謂

非善指讓參回旬宣澹畎所學所行天下咸知意量淵闊朋知莫窺旣

沒還官廟堂所惜收功斂實以卽幽宅

贈太子少保諡文勤福建巡撫王公神道碑

俞樾

光緒元年冬十月甲戌福建巡撫王公巡閱臺灣還至於省城越十有

三日丙辰薨於位

天子悼焉

詔贈太子少保銜視總督例

賜卹

賚白金治其喪

予諡文勤并

命於福建省城臺灣府城建祠祀焉凡祭葬咸
賜如例於是公之子儒卿等奉公之喪暨其配劉夫人之喪於其明年
之十有二月某日葬於寶應城北之龍首村段家莊立祭葬碑一準律
令而神道之左禮宜有銘乃以屬樾樾舊史氏也且爲同歲生又以長
女女公之次子故誼不敢以辭公姓王氏諱凱泰字幼軒號補帆原名
敦敏字幼徇其先世自蘇州遷寶應之白田鋪遂爲揚州府寶應縣人
曾祖諱箴本曾祖妣苗氏朱氏張氏刁氏祖諱曰晉祖妣劉氏父諱瑤
楨妣楊氏皆以公貴累

續碑傳卷二十七

十一

贈至資政大夫妣皆夫人公自幼有神童之目年十有一四子書十三

經皆卒讀其父贈資政公親爲講授大義十五歲爲縣學生旋充道光

二十三年優貢試於

朝列二等用訓導二十六年應順天鄉試中式舉人三十年會試中式

第二名貢士

賜進士出身改翰林院庶吉士咸豐二年散館授編修當是時粵賊已

自桂林走兩楚東南大擾俄而金陵陷其餘氛及於畿輔

朝廷命將四出未卽克而齊魯皖豫之郊羣盜如毛而起兵疲餉匱勢

岌岌不可支公雖在詞館慨然有匡濟時艱之意改今名焉旋充

國史館

實錄館提調

奏辦院事充咸豐九年會試同考官是科一甲二名進士孫念祖公所
得士也十年丁楊夫人艱彭文敬公知公才奏請辦理本籍團練公謀
於團練大臣晏公端書增勇丁之額而汰其羸弱嚴其賞罰裁浮費杜
侵漁其在公局雖一飯必自齎也敘功加侍讀銜同治元年捻寇突至
公力御之又加四品卿銜服闋人都充

實錄館協修兼

文淵閣校理

上以公知兵

命赴江蘇軍營而公適丁資政公艱南歸今相國肅毅伯李公鴻章時為江蘇巡撫駐上海以公贖調赴營公辭不可遂以二年九月至滬治營務兼籌釐捐事李公以上海一隅規復江蘇旁及嘉湖公在幕府與有力焉其受

主知膺大任實始此矣四年五月

詔以道員留浙江補用從浙江巡撫馬端敏之請也至浙攝糧儲道事其明年赴天津交米即入都引

見還次河間府而升授浙江按察使之

命下公念浙中新復安良之法在於除莠惟求無枉無縱以稱斯職而其有大功於浙者尤在三江閘濬沙一事三江閘者所以洩山陰會稽蕭山三縣之水者也始自明嘉靖中郡守湯公於三江口建大閘有二十八洞命曰應宿閘歲久不濬閘外漲沙日高三縣之水不得洩民大困公親往相度掘港開溝使水怒流足以刷沙又禱於湯公之廟其夜

續碑傳卷二十七

七

見神燈數十往來閘口大聲如雷質明沙泥盪滌無遺事詳公所撰三江閘濬沙記至今浙東人猶能言之遷廣東布政使至則裁鹽米之陋規罷差徭之供億清州縣之積累覈釐捐丈沙田濬城中六脈渠榜所居曰儉明簡爲之說曰居官之要清慎勤而已惟儉也故清而不蹶惟明也故慎而不憚惟簡也故勤而不煩是三者清慎勤之本也九年遷福建巡撫甫下車爲六言韻語勸其士以立品勵學勸其民以息訟止鬪禁火葬戒溺女又以閩俗多淫祀迎神賽會無虛日嚴禁之而尤以教士爲首務其在粵也粵秀山之麓故有應元宮以祀雷神公即其地建應元書院爲舉人肄業之所逾年而梁君耀樞魁天下即應元書院肄業士也至閩又仿廣東學海堂例創設致用堂於西湖書院中課諸生以經學十二年福建鄉試公爲監臨官以閩中場屋積弊甚深痛治之其始士林狂於故習頗有煩言旣歲事弊絕風清乃大悅服十三年春以三年述職之期入

覲於京師行至蘇州而病作請假

許之請開缺不許

溫旨慰留焉假未滿而臺灣事起

詔回任乃力疾行俄而廷臣以臺灣一郡孤懸海外獷悍難治議移福建巡撫駐其地公疏請先履行之光緒元年五月由省赴臺維時炎曦毒霧酷暑鬱蒸公以國事爲重不避艱險臺灣風俗與內地絕異民嗜博無老少皆食鴉片煙又錮婢女至老不嫁公皆作歌以勸化之七月初親詣鳳山時已得痰溼痞滿之疾至八月病日臻尙擬往巡南路颶風作不果至九月乃以疾聞請一月假而劉夫人卒於家公盡焉心傷然不敢以私廢公治事如故十月初以整頓臺地并巡撫兼顧省臺大局事宜入告拜疏後卽內渡甫至省城而疾不可爲矣同治初入都墜車傷於股氣血衰耗自此始其回閩撫任也本興疾以往又在海外積勞且受瘴癘宜其疾之不起也公不立崖岸而謹守禮法無尺寸踰性儉約雖至敷歷封疆所曳屣者往往猶官翰林時故衣也遇事必綜覈名實然亦無苛求故屬吏多畏而懷之生平一介不苟取故亦不苟與人始或有所望久而知其清況亦多諒之公卒之年五十有三論者惜其未竟所用然在近代疆吏中固卓然可傳者矣公娶劉夫人先公兩月卒子三人儒卿豫卿壽卿孫二人念會念祖公遺疏上

賜儒卿舉人豫卿員外郎壽卿主事念會侯及歲送部引

續碑傳卷二十七

十三

見蓋

朝廷篤念蓋臣風勵有位意深遠矣越既撰次其事乃係以銘曰

公在翰林乃玉乃金高文典策庶士風傾公在軍旅乃文乃武運籌帷帳折衝樽俎公任屏藩善理劇煩自浙而粵遺愛存焉公任節鉞不避艱艱安內攘外臣力以竭

天子曰咨惟汝予悲賞延於世非予汝私乃建之祠乃予之諡乃祭乃葬

天子所賜龍首之卹式公墓門凡百有位視此刻文

沈文肅公傳

顧雲

公諱葆楨字幼丹姓沈氏福建侯官人幼時母林輒夜令獨趨閭處己卽從之弗使知以練其膽性沈毅有識嘗言毀譽聽之人禍福聽之天於世所怵蔑如也生平得力以此道光二十六年進士選庶吉士改編修擢御史咸豐五年授江西九江府調廣信府受事出河口籌餉而粵逆楊輔清旣自吉安運陷貴溪弋陽遂屬集城下亟馳歸據空城以禦日持忠義涕泣勞守陣者日不使若獨死妻林亦悉出奩具犒士而身日坐井上弗去語公曰城陷覓妾骨此中矣數日總兵饒廷選援至合

軍出七戰皆捷廣信圍解曾文正公疏所稱獨伸大義於天下者也遷廣饒九南道調吉南贛甯道幫辦江西全省團練乞養歸起赴文正公軍未至拜巡撫江西之

命時同治元年也當是之時浙江已前陷湘陰相國左公往援而楊輔清李世賢席方張之勢聯安徽江蘇各逆共窺江西冀斷其後路公既隨機禦之俾餉源弗絕楊輔清等旋以徽浙糧盡議非通楚粵道不可通楚粵非破江西不可於是益要劇賊黃文金出死力四突公指揮諸將大小數十百戰賊卒不得逞既以屏蔽楚粵矣而徽浙管鑰又實執之東南底定繫江西與掎角焉而所行堅壁清野法尤得治賊要領粵逆之橫行東南也我民人皆其兵我積貯皆其糧惟壹意豕竄狼奔浸至不可制自公於廣信教民堅壁清野捐千金爲倡相其地勢有山依山有水依水大鄉自爲一堡小鄉合數鄉爲一堡周圍如城中設倉廩廬舍有事丁壯憑堞以守賊掠無所得其勢乃稍稍衰公雖處戈矛皇擾中以謂亂源所導自乎吏治吏治不飭兵端不息故於驕兵悍將無所假貸而懲猾吏尤力三年江甯復逸賊入江西者殲之獲僞幼主洪福瑱

續碑傳卷二十七 四

賞一等輕車都尉世職加頭品頂戴母憂歸服闋總理福建船政船政爲亙古創舉濱江廠積數十區所需鉅材若機器皆購自萬里重洋之外殊形詭製駭愕心目而攻金攻石攻木者華夷雜役日以千萬計公一身綜之籌帑考工無晷刻暇又時進夷之監督若匠氏而馴擾焉使盡心力於我數年我之與役者亦漸稔習其法能自爲先後成萬年清輪船若兵船二十餘艘中國商民之利始不至盡罔於外夷而海防亦差有所藉矣十三年日本事起

命巡視臺灣辦各國通商軍務比至倭夷已登岸社番並伺隙以動而臺灣一島孤懸額兵無可用姑據理責之且宣示

國家恩德諸社大喜請受要束如初倭氣爲之奪於是築城修壘調集諸軍爲戰守計會倭夷遠約解去而獅頭社凶番竊事狙擊者既剿然後撫之闢南北中三路榛狉疏請福建巡撫移駐焉增設一府三縣悉革其營制弗善者事竣拜兩江總督之

命時光緒元年也兩江總督兼領南洋大臣中外事宜既多所交涉而河漕鹽三大政若一切吏治繁劇甲於天下雖以威望素著者當之所行不必皆當公遇事獨慎所發一發輒不可回

朝廷既雅信公張弛所宜疏上輒

報可屬吏亦奉法唯謹數年中不聞有明目張膽挾其奸欺苛暴貪婪儼然肆於民上者兩江吏治稱極盛焉二年安徽法國教堂毀教堂夷以奉所謂天主誑致無知聽講其所而作奸犯科者所在多有費端以之日開

朝廷或命疆臣所在或別命他疆臣爲讞正一時所由類無不仰體包荒之德曲示不校非盡以劫持恫喝爲故往者雖中興元臣於直隸一案不得不委曲求全焉獨公始撫江西時會城教堂爲民毀夷必索倡首誅之然後議復設且聲言否將以兵船來公疏陳復設民且復毀倡首亦無主名惟自請交部嚴議而已並言若徒懼之以兵威期收效於旦夕則匹夫不可奪志萬眾同心背城借一惟天所授勝負何常夷卒無如何受所予金以去至是建平客民復與教民鬪而宣城甯國廣德諸教堂因之俱毀頗有殺傷當是時所在有司人人惴恐以謂若循直隸暨雲南故事必大誅殺乃已公曰奚事此而於一二耆民夷所指爲主使者爲疏辯其誣且曰縱疆吏欲借以銷案奈聖世不應有冤民卒如法治之夷亦誓服不敢恣所要如他疆臣矣世

續碑傳卷二十七

十五

謂治民教互爭者皆頑愚無識之民卽何至區區以義死公好謀能斷爲政期切實可施行不飾爲條目事所當否侃侃然持之無所奪所屬道直隸乞鉅公書繫援謝曰若人雖政府諸王無以私挽者部民或覬意旨請建林文忠公祠曰公子外舅也建祠事非所宜聞所親以乏告請商兩淮公立奉千金曰旣相與媼媪誼當通財若辦鹽則俟我去官其可被劾者或劫以鬼神之說笑曰苟中冥罰何所於辭豪家怙勢事瑣不足上聞則懲其奴使鳴鉦過市自號所由爲屏息不敢肆儉素自飭俸所入隨盡領封疆十數載無一椽一畝之殖夏日所治事室木榻絺布帳竹枕簟一蕉扇一几官文書數十百束印泥一硯一筆墨一已矣有最幼女婿來親迎簪珥之屬弗具假之幕僚子所衣率絮袍布衩服近世未有也以病請告數矣五年始入覲

皇太后語以時事艱難勿萌退念感激自厲雖病不復卹繇憊中猶力疾擁衾坐治官事弗少休其冬薨於位年六十有奇

贈太子太保

賜祭葬官諸子有差謚曰文肅
顧雲曰公治兩江五年所誅殺以數千計嘻何盜賊之多耶然大難初

夷人心多習亂逸賊若散卒構焉制防少墮挺然起伏莽中易易矣治亂國用重典公儻以此不然豈以是知人不欲多若嗜殺者所云耶古大臣不得已苦心往往多所疚嗟乎此知人必論其世也

沈文肅公事略

李元度

沈公葆楨字翰宇一字幼丹高祖自浙遷閩遂爲侯官人道光丁未進士選庶吉士授編修咸豐四年改御史時曾文正公帥師克武昌有旨命署湖北巡撫公奏會某躬典水陸軍宜乘勝東征不當羈以吏事疏上

詔別簡巡撫文正亦具疏力辭

文宗手敕報曰朝廷早見及此也公以賊所過無不殘滅疏請令州縣吏主兵而責以戰守部格不行然

文宗特達之知自是始五年出知九江府郡久淪於賊曾文正檄充營務處六年署廣信府當是時江西列郡皆賊踞自會城外惟贛州及廣信僅存

詔督學侍郎廉兆綸典信防侍郎赴郡屬之河口勸民輸餉以公從別賊楊輔清率黨萬餘自吉安破新城瀘溪金溪連陷貴溪弋陽防軍敗

續碑傳卷二十七

七

潰廣信岌岌公兼程返郡至則城門洞開官吏軍民走且盡公夫人林文忠公則徐女也讀書明大義盡遣其子女僕婦而堅留以俟公或給之曰太守已避地崇安矣夫人曰吾夫子不出此也語畢而公至士民請公出城暫避圖後舉公笑謝之總兵饒莊勇公廷選領浙軍駐玉山閩人也公未歸時夫人代公作書乞援饒公許之然相距九十里無民夫運軍械勢萬萬無及夫人日坐井眉躬執爨與公相對待盡而已忽大雨水驟漲饒軍登舟半日至先是賊謀至巷無居人歸告其酋謂此囊中物耳賊亦避雨與安留一日詰旦薄城則旌旂徧樹城上賊氣沮斬謀者悉銳圍攻游擊賴高翔畢定邦等啟城決戰凡七捷斬馘近千賊解圍遁士民慶更生公以此名聞天下曾文正上公夫婦城守狀謂軍興有年郡縣望風逃潰惟沈某能獨伸大義於天下云七年遷廣饒九南兵備道加按察使銜留筓信防賊數犯貴弋又從閩中出犯廣豐玉山公聯絡客兵擊走之賊圍衢州數月卒不敢犯江境安仁馬家村地險惡奸民負固稱亂擅殺人擄人口勒贖抗糧五載公帥練勇三百人討之匪黨抗拒縣令以兵少止公行不許請濟師不許卒奪其隘火數十家村民縛首犯以獻立誅之盡完逋賦眾始知有

國法大吏夙忌公遇事掣其肘公以親老乞養歸士民數千赴行省乞留不得請則擬擊登聞院鼓釀金爲行者資會有

旨調饒公贛南總兵接治信防饒公故有德於信者公始獲成行十年詔公仍治廣信防務尋有

旨補贛南兵備道公以親老辭十一年冬

詔公赴會文正安慶大營辦理軍務封翁趨公應

詔同治元年正月抵甌甯奉

旨超擢江西巡撫卽赴新任毋庸來京請訓抵鉛山奉

寄諭朕久聞沈葆楨德望冠時才堪應變是以超擢巡撫又以其家有老親因擇江西鄰省授以曁奇風土不殊迎養亦近將來懋建殊勳尤足光榮門戶以承親歡經朕如此體恤如此破格委任諒不至仍以養親瀆請朕亦必不能允也公奉

詔感泣馳泣章門疏陳許

國以身義無旁顧俟大憲就戮寰宇廓清再申前請歸養奉

批答有忠孝性成之衰當是時杭州已失守吳越賊聯爲一氣曾文正

駐軍皖南軍餉仰給於江西今爵相左公時方爲浙撫由江規浙而僞

王李世賢楊輔清等席方張之勢畢力犯江西冀斷皖浙餉道公躬赴

廣信督防教士民以堅壁清野捐廉俸千金倡築塞堡送黨分途竄擾

公激厲主客軍若江誠恪忠義之精捷營劉果敏典之克勇管道員席

寶田之精毅管督糧道段起之衡字營道員王文瑞之老湘營王德榜

之長左營屈蟠張岳齡之平江營知府王沐之繼果營參將韓進忠之

韓字營劉勝祥之祥字營臬司劉于濬之水師並循公方略遵調遣所

嚮克捷元二兩年悍酋黃金李遠繼古隆賢賴裕新等以皖浙乏食

分踞廣饒邊境先後爲諸將所敗論者謂保固後路俾江浙兩路並得

藏功公之力也當軍務方殷適有法蘭西教堂被毀之獄

嚴旨詰問主名公疏稱事繇公憤萬眾同心百計推求終無端緒總繇

曁臣疏於防範所致自請嚴加議處

詔置不問外夷亦懾服無辭而士林則感頌次骨矣同治三年江甯賊

勢蹙分竄新城南豐建昌撫州及德興樂平玉山弋陽等屬公皆遣將

擊走之五年六月官軍拔江甯江軍亦克崇仁雩都肅清廣信府境會

江甯逸賊僞侍王李世賢僞康王汪海洋等繇湖州越廣德分道竄入

江西提督鮑公超率所部來援曁克金谿南豐新城而僞佑王李遠繼

續碑傳卷二十七

偽玕王洪仁玕偽恤王洪仁政等擁偽幼主洪福瑱竄至廣豐鉛山曷為諸將所敗福瑱鬚髮潛逃經席寶田追至石城之荒谷禽之

詔賞公頭品頂戴一等輕車都尉公推功諸將並以曾文正左爵相濟師協餉始得轉危為安疏請收回

成命
溫諭不允復以親病求開缺申大憲就戮仍求歸養之前請也得旨賞人稜六兩仍不允四年請假回籍省親一肩行李如始至之數會

文正歎為不可及及抵里已丁母憂公撫江三載肅吏治繩悍將民有冤抑來愬者立為剖決每夕漏四下不休中因籌餉用人與曾文正意

見不合
詔引廉藺寇買前事勛以共濟時艱公之孤忠恪

天所從來久矣六年奉
旨充總理船政大臣船政之議發自左公謂非公莫肩其任公疏辭不

獲乃請俟釋服後出而任事設船塢於距會城四十里之馬尾山麓地
曰中岐鳴內濱江者為船漕若鐵廠輪廠機器廠斲木廠之類皆參列

其後以洋將日意格為監督德克碑副之事係勅舉百緒繁興機器來
續碑傳卷二十七

自外洋殊形詭製相顧瞠目旁觀者思不克終事禍將無底公與日意
格等堅明約束限五年告成署布政使周開錫充船政提調為匿名帖

所牽涉延平守李慶霖向充船政局員總督劾其專事趨承請奪職勒
回籍公皆抗疏力爭且云船政雖係總理王大臣所奏請而自強之道

斷自
宸衷為臣子者均宜激發天良以紓

宵旰臣官非言責分屬部民然船政係臣專責死生以之乞
諭周開錫始終其事李慶霖仍留局差遣皆得

旨允行藩胥某遇事玩抗公以軍法數而斬之眾大驚已而大服八年
五月第一號輪船成公親出洋試演遣官駛赴天津請

旨派大臣勘驗皆如法未幾二三號續成乃奏派輪船統領隨時訓練
以專責成九年丁父憂

詔百日後仍出任事公疏請終制
諭令素服從事公以病辭乃

許終制十一年十二月服闋始復出前後造成兵輪二十艘曰萬年青
曰鎮海曰湄雲曰海鏡曰揚武曰飛雲曰安瀾曰靖遠曰振威曰伏波

曰福星曰濟安曰永保曰琛航曰大雅分布各海口勦立拉鐵打鐵鑄鐵輸機水缸諸廠開學堂二所選幼童之敏者居之分習製造駕馭諸藝所學皆成尋議酌改船式挑匠徒試令自造不用洋人監督因疏陳善後事宜非公精心果力船政必不能成也居亡何而有巡視臺灣之役臺地孤懸海外舊設一府三縣二廳隸於臺灣道其臺北生番未入版圖也十三年夏有日本船避風來泊爲生番所殺日本調集兵船藉辭生事覬覦臺北番社地有

旨命公巡視兼辦各國通商事務公聞

命卽行寢不及旦當是時倭兵已登岸結營伺隙而動公據理詰責之仍招諭生番諸社宣布

皇仁番族願遵約束倭人爲之奪氣乃修城垣築礮壘練營勇繕軍械不先開釁端而無日不爲戰守之備會提督唐定奎帥銘武軍渡臺眾心益奮倭人遵約撤兵乃通籌善後事宜請仿照江蘇巡撫駐蘇州例令福建巡撫移駐臺灣兼理學政疏陳十有二便且云從前官吏所治祇濱海平原三分之二餘皆番社耳今綜前後山計之可建府者三建縣者十事之當勦始當變革者非十數年不爲功且化番爲民尤當行之以漸必須巡撫主持大局乃能綱舉目張爲

續傳卷二十七

九

國家億萬年之利得

旨允行遂分南北兩路開山南路以同知袁聞柝副將李光等任之自峴崙坳至大石巖直抵卑南北路以都司陳光華總兵戴德祥等任之自新城至大清水溪大濁水溪直抵岐萊統計二百里有奇地極荒險日光不到古樹慘碧陰風怒號各有凶番抗拒經我軍搜剿互有傷亡亦有良番叩營乞撫願爲嚮導因建碉堡十二礮臺六屯兵以鎮之琅嶠者故相福文襄郡王征林爽文時駐兵處也其地可爲縣治公親往察勘疏請築城設官添建恆春縣以鎮民番杜窺伺遂順途按視淮軍凡陣亡及染瘴死者皆躬奠其柩眾爲感奮尋爲前明延平郡王鄭成功疏請

予諡建祠以作臺民忠義之氣

許之初臺灣郡城經風雨坍塌千餘丈公疏請修築並建礮臺於安平海口又內地人民渡臺及臺民私人番界向有厲禁公以臺地後山急須開墾疏請弛舊禁以廣招徠臺事粗定船政急待報銷公於是年十二月內渡會獅頭社凶番滋事狙殺游擊王開俊因而琅嶠各社亦有

異心公復於光緒元年二月抵臺檄提督唐定奎等伐木開道步爲營四月官軍攻破竹坑本武及內外獅頭等社悉藉其巢於是脅從各社悔罪輸誠次第就撫唐定奎示約七條曰遵雜髮編戶口交凶犯禁仇殺立總目墾番地設番塾皆稽首聽命而其分路開山者北路已抵吳全城中路已抵茅埔各軍鼓勇深入蓮花港南北兩路番社皆震懾就撫計自蘇澳起開路至新城凡二百餘里至秀姑巒又百餘里乃奏設臺北府隸縣三日淡水曰新竹曰宜蘭其噶瑪蘭通判則改爲臺北府分防通判移駐雞籠山又請將原駐府城之南路理番同知移駐卑南駐鹿港之北路理番同知移駐水沙連各加撫民銜以資控馭疏陳營伍積弊請概歸巡撫節制以一事權又以臺北產煤請購外洋開煤機器以興長利并請減煤稅又以蘇澳及安平海神顯靈效順請各加封號

詔皆如議行七月疏報凱撤淮軍而總督兩江之

命下矣公疏辭不允於是年十月蒞任下車卽承審前任留交巨案兩造皆驕蹇宿將膠葛變幻各執一辭公反覆究詰乃弭首貼服論如律爲地方興利其大者則有修河隄行海運緩開關籌積穀拔譽粟減賦

續碑傳卷二十七

五

則禁民間厚殮增書院餼錢諸政整頓鹽務則有規引地清老堆浚鹽河諸政於江海防務則有請緩裁營之疏合操兵輪之疏議覆礮臺之疏歸併旂昌洋行買斷鐵路之疏而皖南教案尤中外交涉之最棘手者終能力持公道愜服羣情公之心力爲已瘁矣會連歲旱蝗至於寢食俱廢盛夏步禱烈日中兼旬不少休息於捕蝗尤三令五申性命以之許州縣動用帑項作正開銷防營則籌款給之入冬輒下搜挖蝻子之令不淨盡不已營縣皆實力奉行蓋蒞任後無歲不蝗而從不爲害公之力也屬吏有不稱職者劾去之賢能著績之員則推心置腹不少掣肘人忘其勞治軍嚴而有恩自統將迄士卒咸樂盡死力淮徐等屬莠民夙稱曠悍亂後尤甚公遇案懲治謂去一豺狼則鹿豕之脫其牙者不知凡幾於是盜案爲之一清伏莽者相戒不敢發良懦恃以無恐積勞成疾兩次疏籲開缺迭奉

優旨不許自陳受

恩深重義無所逃但入冬卽須避風密室而文武各員司浚河搜蝻之役者皆奔馳冰雪之中王事獨勞耿耿內媿且精力頽憊日甚設辦理未能妥協一身之重譴不足惜如大局何實則力疾從公每事皆苦心

焦思無少罅漏三載考績奉任事精勤不辭勞怨交部從優議敘之
旨五年四月述職入都面奉

皇太后懿旨時事艱難毋得遽萌退志上窺

宵旰憂勤自是絕口不言退字而舊病之劇甚於往年萬不獲已復顛
開缺遺疏倦倦於鐵甲船一事病中至形諸嚙語蓋公謀之數年以款
絀未得藉手者也十一月初六日卒於官年六十公生平學在不欺凡
事必求心之所安自少至老如一念自言在廣信時已分萬萬無生理
以故當存亡利害之交輒卓然有以自立而經理庶務不操切不張皇
絕去世俗瞻徇之見體不耐舟楫臺地風浪之險甲天下兩次東渡雖
甚眩暈呻吟而志不少餒自鳳山犒軍歸黑夜乘舫艤登岸舟幾覆未
嘗憚勞也義有不可者毅然見於詞色

朝廷數以時政下詢公侃侃獨持正論不事摸稜而虛懷善受慮以下
人推賢讓能惟恐不及自奉極儉約廉俸所入隨手散給族戚輒盡遇
地方善舉鄰省振恤必解囊爲之倡卒之日不名一錢僚屬相顧失聲
市井鄉曲之民所在巷哭遺疏入
諭稱其秉性沈毅練達老成實心實力整頓吏治保惠民生

續神傳卷二十七

追贈太子太保入祀賢良祠政績

宣付史館

賜祭葬

子諡文肅並准在江西省城及立功各省分建立專祠未幾徐州府士

民請建專祠

允之子七人長璋慶附貢生

欽賞舉人襲一等輕車都尉世職次瑩慶附生

賞主事次璘慶次瑜慶附生

賞主事出嗣叔父次璿慶瑤慶琬慶孫八人曾孫一人

蔣果敏公別傳

朱孔彰

蔣公益澧字薌泉湖南安福人也少不羈不爲鄉里所容逃之四方咸
豐三年入軍旅初從王壯武公珍後隸羅忠節公澤南戲下勇毅常先
人羅公奇其才收爲弟子屬統五百人從戰江西有功復從援武昌與
唐君訓方丁君銳義大敗賊于豹子海六年六月寇自樊口犯葛店公
獨將六營逆戰破之追奔至樊口大小數十戰皆捷胡公林翼每歎其
勇累功敘知縣加同知銜公嘗議軍事於羅公前李公續賓字公曰薌

泉如何公亦字李公曰迪庵意欲相統邪性剛猛與李公殊尙及羅公
亡李公代將公屯魯港寇大攻之請援中軍李公報曰力不能相救守
走惟公意公大沮卽升瞭樓撤其梯惟置旗鼓下令軍中曰賊勢盛吾
死此矣諸君欲走者自去眾不肯負公誓死守寇攻一日引去公於是
告歸悒悒不得志久之廣西土寇竄起省城戒嚴告急於湖南湖南宿
將盡出征巡撫駱公顧左右無可屬以兵事者又廣西遠且貧咸不願
往惟公請行駱公大喜公乃將千六百人南援七年五月至全州三戰
三捷寇奔還聚興安遂圍之駱公先已遣段君瑩器將祁勇千人助公
遣江君忠濬將千餘人自新甯來會師於是興安寇增召靈川寇拒官
軍公合擊大破之復興安靈川餘賊合平樂賊據城死守用戰艇依水
通糧築屯平樂北二塘墟沙子街阻險自固公盛兵攻沙子躬率精兵
踰山出楓林石峽衷寇二屯閒背擊之因燒寇艇遂破沙子屯與江君
忠濬等分軍公繞二塘攻城南江君緣水進屯城北寇旣失險皆還保
城桂林東南北寇連敗勢衰羣盜分屯柳潯梧慶遠各自爲部不相援
應十一月克平樂累功擢巡道當是時湘軍鋒銳甚公爲名將巡撫勞
公崇光奏留督軍駱公奏助軍餉銀月二萬於是議增造戰船募水師

續神傳卷二十七

至

明年公軍屯桂林

自長沙造船六十餘火藥七萬餘斤以益其軍明年公軍屯桂林
詔署按察使時東南軍事棘竭兵餉於吳楚未遑問廣西事而廣西瘠
貧兵食少故不能滅寇率假招撫以愚羣盜官軍土寇相糝橫行省地
更不能詰院司寄坐城中守城將皆盜魁人人寒心公至乘湘軍威悉
案誅桀黠者易置守軍然後巡撫以下坦然安枕遂以次討定潯梧慶
遠賊府縣官始治民事徵租稅如平時惟柳州賊屯踞蟠固自以水師
不能至四出游奕連結洞若公計戰船當由灘浮鬱泝潭水回復千餘
里象柳閒岸狹湍急不利水戰然不絕水斷渡則賊不可取乃具舟修
仁令軍士舁負三版小船陸行九十里置洛青水中載礮建旗鳴鼓下
薄州城南門扼其津渡城寇山盜不復相應遂克柳州無何連州寇復
據賀公遣將往攻敗挫公自將攻之亦不利寇圍公軍初公屯賀有德
於鄉民故鄉民劉鴻生等集團丁救公遂得潰圍出退屯柳州九年春
僞翼王石達開入湖南所過緣邊姦民皆相扇動前隊掠全州勞公檄
公回援公分軍屯柳自將二千人還省城勞公遷督兩廣曹澍鍾爲巡
撫公代爲布政使七月永明土寇出恭城公出扼平樂寇北走灌陽合
全州來寇掠興安直攻省城眾數萬公急還軍頗飢疲學政居城中亟

詣公問方略公大言無所訕學政因上奏劾公侵餉玩寇巡撫亦請援
湖南

文宗詔湖南赴援降公道員八月劉公長佑蕭公啟江援軍至公裨將
蕭榮芳亦自柳州至會城下寇解圍遯十年五月公拔賀縣

詔授劉公長佑為巡撫仍擢用公為布政使同治元年浙江事急曾文
正公奏薦公助左公宗棠

詔改補浙江布政使公將所部八千人往公自至廣東請餉於勞公勞
公念公舊功資給數十萬故度嶺軍容甚盛公亦懲前事更折節惜名

譽度量殊矣秋七月至衢州以部將高連陞熊建益分統左右軍明年
克金華拔諸暨復富陽自是左公軍勢大振以次平定浙中郡縣至三

年二月遂克杭州
詔賞穿黃馬褂左公督軍赴閩公署巡撫招流亡務耕作停關稅減民
賦儲財用實倉廩毀淫祠建書院尤輕財好士凡善後事宜百廢具舉

一時翕然傅之未幾
詔授廣東巡撫亦多善政施實德於民後以事降官乞病歸光緒初日
本擊我臺灣生番啟釁

詔起公將屬以邊事公至京師病卒後五年梅公啟照為浙江巡撫奏
浙民請建祠於西湖

詔可
予謚果敏公天姿豪邁功名既成復折節讀書禮下才士嘗曰昔漢寇
恂拜汝南太守盜賊清淨郡中無事乃修鄉校教生徒聘能為左氏春

秋者親受學某豈不能因延杭州二拔貢生在廡講論射師事之憾年
少失學未習科舉文乃日課一篇詞義卓然後二生以公事干請公許

之告薦者曰師命固不敢違然恐後來難繼為我敬謝先生於是二生
辭而去公厚贈焉人皆曰宜凡孤寒無依待舉火者常數百家破城獲

賊窖金數十萬盡散為善舉道路歌頌去浙時士民炷香手頂追送如
雲至有下泣者去粵東亦如之廣西民亦感公平羣盜首功所至築小

堂以祀山谷閒往往而有

又蔣果敏公家傳王先謙

公姓蔣氏諱益澧字薌泉湖南湘鄉人也幼孤貧長負奇氣不偶流俗
咸豐三年曾文正公國藩治鄉兵湖南公甫冠從焉破粵寇岳州敘從
九品羅忠節公澤南偉公能四年增募湘勇以公將左營從復湖北黃

梅晉縣丞進規九江破賊白水港小池口五年賊竄江西公從羅公赴援復弋陽縣廣信府義甯州城晉知縣胡文忠公林翼疏請羅公回援湖北公從克崇陽蒲圻晉同知直隸州

賞花翎從圍攻武昌省城迭破賊洪山漢陽門沙湖紫金山小龜山麥門橋分軍自將馳擊敗葛店援賊克武昌縣省圍堅完公功為多晉知府母憂歸七年廣西賊熾乞援於湖南巡撫駱文忠公秉章檄公統軍赴之破賊全州復興安靈川晉道員

賞巴圖魯號艇賊李文茂踞柳州分黨陷平樂公逆擊走之八年公自蘇橋進師別由雒容陸路昇船入洛垢江徑襲柳州賊以為下游悉破大驚出拒斬馘數千文茂宵遁遂復府城

賞布政使銜署廣西按察使復慶遠

記名按察使赴湖南募勇潯州賊乘虛上犯聞公歸即遁九年授按察使旋晉布政使公在軍分甘苦得士死力蘊智舍剛眾莫能測潮州勇目謝楊王昌十數輩屯省城驕恣不法賊屢犯省會楊等暗通賊莫肯效用公請於巡撫治具宴集酒半悉禽斬之辨誅其黨與賊酋石達開自湖南竄廣西公慮平樂空虛統軍往賊已攻城奮擊敗之賊走灌

續碑傳卷二十七

三

陽徑犯桂林公疾馳還省遣水軍奪賊木筏絕其東竄與道員蕭啟江等更番勦擊賊竄江西桂林以安公壯年盛氣抗論兵事於同僚多陵忽學政李載熙嫉之以賊犯省城撫事疏劾降道員十年賀縣賊酋陳金缸分擾昭平平樂公連破之畫眉嶺公會墟大灣嶺復賀縣

賞還布政使銜進克下郢堅巢賊走潯州以按察使記名十一年復授按察使會廣東水軍克潯州賊黨悉平復布政使原官

賞三代一品封典時浙江淪陷巡撫左文襄公宗棠疏請公統部兵援浙當一路

詔授浙江布政使同治元年閏八月抵衢州遣將高連陞克壽昌拔蘭谿西裘家堰七大壘羅埠賊內應夾擊破之進攻湯溪大小數十戰殺賊數萬二年復湯溪龍游金華府城別將克紹興蘭谿浙東平

賞珍物交部優敘公渡江而西圍富陽屢破賊援剗堅壘數十克其城

偏杭州十五里而營三年盡破城外卡壘降海甯桐鄉拔嘉興城外賊

壘杭賊勢孤三月克杭州

賞黃馬褂雲騎尉世職公分軍克德清石門會蘇軍克湖州賊首洪福

瑱就禽

上以公平浙功最晉騎都尉世職左公督師入閩

詔公護理巡撫公與左公相得甚每復城得便宜置長吏節軍食羨餘活窮黎既莅杭省益請於大府撫傷振乏首建府縣學復書院豐給優禮以徠生徒免廩稅減田賦吏兵占民舍者還之市肆新葺巷陌充溢温台諸郡盜出沒誅其魁桀禽湖州槍船首惡餘編籍互保港汊晏然行旅無警數十年未有也既攝撫篆初貢院開科舉隍於湖葑咸就疏豁造船運濟百貨流行海塘輦致斥鹵可藝杭人德之於其去多泣送者五年

詔赴廣東辦理軍務二月授巡撫疏言太平關稅康熙中巡撫監收乾隆時改隸南韶連道近歲收不如額半耗於苞苴臣與各官署得銀四萬餘兩請裁禁復舊制肇慶五坑客民與土人械鬪累年踞寨戕官公討平之投誠者處之高廉諸府賀貴諸縣別爲客籍二十人赴試入學一名亂遂已與總督瑞麟不協以病乞休

優詔不許尋爲瑞麟所劾事下閩浙總督吳棠劾公任事徑情未能推求例案鑄三級飭赴左公軍營七年授山西按察使病免十三年

召入覲公力疾入都十月卒於蕭寺年四十二

詔復原官照巡撫例賜卹政績付史館尋

賜祭葬

子諡果敏浙江建祠子德椿

賞刑部主事

前史官王先謙曰公以孤寒拔起閭里與其鄉先達意氣許與如雲龍之相從剗亂扶傾無往不利遂以廓清區宇名光竹帛何其盛也然公才氣蓋世不能僂俛徇時遭同列齟齬再擠而隊之功名之際危機隱伏同人則亨詎不信哉其聰明仁愛出於天性隨宜措正動合大體勞來安輯之功浙人到今稱之世徒美其武略測之淺矣

同治朝督撫

誥授光祿大夫劉公墓志銘 郭嵩燾

公諱嶽昭字蓋臣姓劉氏湘鄉人自曾文正公以侍郎居憂奉

命治鄉團毅然自任討賊用戚氏練軍法簡民兵教以句卒束伍節制

之義而求忠信能讀書史者與其生死於是士之立名義者雲會景從

天下蒸蒸而得之鄉里尤多若羅忠節公王壯武公李忠武公李忠毅

公彭壯節公蕭壯果公及公從兄武烈公皆起諸生位開府特進而公

獨任封疆督撫十餘年位尤尊年尤高公始出佐蕭壯果公江西未知

名每戰料敵先登壯果公奇之俾領一軍曰果後營壯果公假歸遂以

軍事屬公轉戰瑞州臨江之交比有功由府經歷縣丞保知縣累保同

知知府加晉道銜

賞花翎會石達開分黨自江西竄湖南公移軍茶陵備之而賊已直趨

寶慶湖南巡撫駱公檄公馳援至柳家橋遇賊東路賊勢方東趨奮死

力爭公堅營與盪決三日賊至輒披靡力咋不得出已而諸軍竝集賊

進退窮沮突圍去於是公名大顯石達開已出廣西折而北西趨綏甯

城步掠龍山入川公日夜倍道馳躡而躡之賊不得喘息駱文忠公檄

公從入川始至夔州適陳玉成陷隨州湖廣總督官文公以公距隨近

檄使援急旋軍隨州時川寇方熾李秀成復犯江西曾文正公駱文忠

公皆注意公勦辦羽符交下公以攻城不可委去以餒人心且軍動賊

氛遂張荆襄大勢俱震為患劇力持圍隨之議攻圍益急使降將劉維

楨聞賊誘致之設伏燧其眾殲焉遂復其城晉保道員按察使記名加

布政使銜

賞鼓勇巴圖魯自是亦遂以平賊綏定

國家為己任專意西向是時川東西羣盜如毛不可爬梳大者數萬人

小或數千各立名號踞城以抗官兵叫呶四應而石達開以二十餘萬

眾趨石砬以窺涪州李復猷亦由黔入川謀與石達開合蓋皆江南悍

賊渠魁意在擅地非他寇比宜急先此兩賊餘賊可以徐理也尤宜力

阻遏其軍使不得合併至則擊石達開涪州又擊之綦江連擊之合江

長甯興文所擊殺動數萬人川東以安力保敘南扼石李兩賊之衝四

川布政使劉蓉遂以禽石達開雅州而公亦補授按察使旋擢雲南布

政使駱文忠公前後奏留防川皆不遣禽斬賊目有名號者曰肅王曰白侯曰鄒王凡十餘股石達開餘黨竄陷陝西漢中府公又躡之甯羌盡復漢中各城於是石達開餘黨斬刈以盡而川匪亦平滇黔各匪之擾川者竝集於黔黔患益棘川防驟不可紓駱文忠公奏請援黔而專其責於公川黔壤相接時綏陽陷於吳元彪正定陷於朱大王皆當蜀邊公擊破正定州城而綏陽守益固公視城北天台山高峻俯瞰各營賊嚴兵以守凡所據關隘十餘盡擊奪之獨天台山負險不下乃列陣其山前而從山後徑梯緣而上平其壘列成分屯綏陽失山險遂降賊劉崑山者梟桀有名轄遵義百餘寨黔西七十餘洞仁懷三十餘寨勢張甚公戰禽之崑山請歸諭降遵義川西悉平旣降綏陽而綏南徑遵義以東亦平黔西北路始通奉

命巡撫雲南方行又奉總督雲貴之

命雲南大亂二十年民回擾攘不相保持公曰此屛民忿起相毒整當以德綏不當一以芟夷示武下令釋兵歸誠者弛其罪負固不悛則培擊之旣至三年迤東迤南所失各城盡復同治十二年以述職

續傳卷二十八

二

觀京師適歸道病言官論其稽留罷歸公性沈毅遇事深籌熟計有發

必告無有回惑疑難同官屬吏傾誠相與粹溫和夷情意常有餘巡撫岑公負氣喜兵公至卽罷遣其軍凡有部署征伐一推岑公每有調發進止方略必悉究論始終者計其私岑公亦心折首肯自以積功至總督始一受事在軍入厭兵又閱民氣傲耗公私赤立吏道苦雜則一以課吏爲事督開墾招流亡視吏勤惰爲黜陟度時量力動無過舉尤汲務興學復書院勸厲人才人人感激思奮其治軍治民務除苛煩充然若有得者言者以是賢公而惜其退之非其咎而益以追歎其賢公生於道光四年甲申歲又七月二十五日卒於光緒六年癸未歲十一月二十三日年六十夫人彭氏子三人鎮楚署廣東高廉雷瓊兵備道錫恩某官錫勳某官女五人其二妾唐氏出也孫六人旣卒逾年卜葬某鄉某山之原以嵩燾之習公也屬爲之銘銘曰

在歲丙辰臨瑞交兵桓桓武烈於公爲兄批獠洞堅搏呼乘城卒藩江蠡而以命傾公於是時追隨壯果棘首腰韃握刀在左外示樸訥屹立磊珂驍然奔敵膏軸炙輶武烈之生未竟其施公奮六翻負雲而馳東西兩川顧盼旌麾盪滌瑕垢乾坤夷餘功及黔兼滇作督狼嗥獸駭披猖相屬睨公來蘇如日在旭綏之動之風噓雨沃三年政成展

觀歸藩疾病不除諧言幡幡顧瞻令子累功冀
恩一瞑百世以貽後昆

山西巡撫鮑公墓志銘

黎庶昌

公諱源深字華潭號穆堂晚又號澹庵和州鮑氏上世自晉咸和開新安太守宏家於歙四十三傳至康熙中有諱啟忠者於公爲六世祖遷和之梁山鎮遂爲和州人曾祖諱暄附生祖諱木泰附生考諱東里皆以公貴

贈光祿大夫曾祖妣氏沈氏顧祖妣氏吳妣氏吳皆一品夫人公生而簡重沈靜有成人之目六歲遭曾王母以下喪哀毀柴立篤摯踰禮梁鎮歲比不登家中落光祿公經營劬悴色時不愉公發憤歎曰有急不能貸親憂焉用子爲志學益力選道光丁酉拔貢生旋丁光祿公艱二十六年中式本省鄉試丁未成進士改翰林庶吉士散館授編修咸豐元年

天子懋修典學造次必以儒先自程

詔選七人繕錄朱子全書公與其一三年粵賊陷金陵公於是勇言事有請振乾綱儆積玩固人心諸奏

續碑傳卷二十八

三

文宗嘉納四年命督學貴州時黔中苗禍已熾經過鎮遠黃平苗數攻城士民徒手抗賊有司以兵饒請公至省爲大府言之不應遂以苗亂情形入告故事學臣不得擅言軍務有旨申飭自是不復再關兵事然智慮所得爲義不辭難

上亦浸知公深

穆宗繼序倚任尤重公凡爲學政四入

上書房行走授世子讀再遷大考累遷侍講侍讀右春坊右庶子侍講學士侍讀學士擢太常寺卿大理寺卿都察院左副都御史補工部右侍郎轉兵部戶部兼禮部吏部侍郎迭充

宣宗

文宗兩朝實錄館纂修

日講起居注官江南鄉試監臨散館閱卷大臣會試覆試閱卷大臣

殿試讀卷大臣

朝考閱卷大臣邀拜

上方珍物之賜不可勝計其在貴州也首發王安國之難王安國者遵義圍首積功保至都司陽禦賊而陰與聯鄰邑傅之有眾數萬潛蓄異

謀端倪大顯郡守上變告急大府莫敢誰何公試士遵義密飭郡守檄仁懷令江炳琳兼攝縣事江有幹才一夕便道入禽斬之眾遂瓦解麻哈州陷苗教合趨省城已至近郊烽火燎及魯樓省中公私置之上下縮手適平遠丁文誠公寶楨以庶吉士在家募勇勦賊公飛書乞援文誠即以兵赴至省饑甚士譁欲潰公急蒐囊中得數十金出犒士皆感激日學臺如是吾輩敢不效死即夜出城迎擊一戰而捷賊隴種退去卒至黔亂十餘年全局糜爛省城根本之地遵義富庶之區保全無恙者因公始謀也其在廣西亦如其在黔時思恩團首林如海欲假考試斂費以兵至南甯迎公技臨意實迫挾公得情不往南甯知府某與如海比即掣撓百端文報出入皆有稽查聲息不得達省公迂道賀縣言狀卒置如海於法厥後督學江蘇順天大亂既平請開書局以饋孤寒釐正文體以崇實學士論斐然與黔粵時情事不侔矣同治十年遂有山西巡撫之

命軍興各行省久虐於兵獨山西號爲完善吏治軍政率狃承平故習公至埽除一切與羣吏更始取舊案與新牘雜治鈞芟折微早夜孜孜克勤克慎必得當而後已始嚴鶯粟之禁使民重本食又以晉省外樸

續碑傳卷二十八

四

內華力革淫靡風俗至爲一變出行邊兵遵黃河而東遇險塞冥阨躬自履勘甚或徒步以從見者歎爲宿將所不逮又仿曾文正公直隸練軍章程遴提鎮兩標軍士增益口糧練成勁旅足備緩急之用部內肅然坐是心力耗瘁積漸不支數請開缺勿許光緒二年陳乞益力得

旨報可其時晉省初早即發糶振濟及解任後乃遂變爲奇荒公引咎責躬如不自克寓居江南之寶應縣踰年主講金陵上海書院布衣麤糲蕭然與寒峻無殊以光緒十年六月十四日告終春秋七十有三兩配陳夫人皆前卒子二孝光道銜江西候補知府孝裕附生提舉銜兩淮候補鹽運判女四人孫九人曾孫五人孝光等將以某年月日合葬公江甯太平門外之丁家山具狀來請銘庶昌自咸豐丁巳卽受公知光緒七年奉

命出使日本道經上海謁公於龍門書院公喜動顏色然語及時事輒歎歎歎絕生平惻隱民物憂國愛人之念至老彌篤蓋天性使然非可學而至也在京在外無赫赫名亦不立講學家名目而慎獨寡過表裏純白類古遠伯玉之流世所僅覩以庶昌所見知公與兩江總督開縣李公宗義而已其所論奏多關根本至計非外所悉聞公子別錄奏牘

若干卷藏於家不以著著其卓犖在人耳目者銘曰

義我梁山大江之濱蘊蓄既深誕此哲人山輝川媚斂以鴻文玉堂金馬爲

國貢珍南紀不靖有御黃巾乾綱乞振密勿敷陳輶軒整俗黔土莘莘頌金受治亦躍於甄膏澤未竟四郡載仁春明回翔

上齋作寶

淀園被擾歲厄在申

鼎湖龍去攀號乞身重曦返曙眾正如雲起列朝省勸駕殷勤粵西禍本狼嗥虎蹲欲持玉節蕩彼荒榛嬴秦一炬有觸成塵漆書竹簡鉛槧可因在人未墜賴公一言萬手駢香墳典以新晉疆四稔煦瘠扶呻功成身退匪曰隱淪歸臥江左心眷

北辰愛人學道是謂天民銘幽紀實永詔千春

楊重雅傳

江西通志

楊重雅字慶伯德興人道光辛丑進士改庶吉士散館授檢討由御史擢四川順慶知府值歲饑開倉以振修城外石隄民利賴之咸豐十年調署成都蜀寇方張省會戒嚴重雅晝夜巡城不枕者七十二日賊聞

續碑傳卷二十八

五

有備不敢犯明年奉檄辦民團仍駐順慶順慶當孔道重雅度賊必至

議清野計而念城外四千家焚之可憫乃築外城周之未幾賊至眾號十萬重雅躬冒矢石出奇奮擊涉旬而圍解別賊方攻遂甯率五百人

夜襲其壘賊驚遁川督駱秉章莅任知重雅才仍令攝成都秉章規畫全蜀功在西南重雅與有勞焉廣安營山民變聚眾各數萬重雅單騎

往撫眾憚其威即解散歷遷四川按察使同治六年母憂歸服闋移甘肅總督左宗棠議分甘肅鄉閭重雅力贊之督建貢院剋期竣工光緒

元年擢廣西布政使三年晉巡撫廣西兵燹地瘡痍未甦伏莽亦間作重雅講求吏治寢食不遑全州懷遠博白諸土盜起次第削平叛將李

揚材擾越南提督馮子材出關剿賊重雅籌濟軍餉毋使匱乏師遂克捷五年奉

召入都行至湖南卒

誥授資政大夫兵部侍郎河南巡撫錢公墓志銘 李鴻章

公諱鼎銘字新之號調甫太倉錢氏曾祖諱文棻祖諱鳳孫皆贈資政大夫考諱寶琛由翰林洊擢巡撫歷湖南江西湖北三行省焯

有聲績妣三皆陳氏

贈夫人公少而幼學忱恂縝栗無子弟之過以州學生舉道光丙午科鄉試教習官學期滿選贛榆訓導旋援例籤分戶部主事以憂歸歸而粵賊已踞金陵東南事日棘遂不復出咸豐季年賊覆我大軍於金陵盡陷江以南膏腴地南苞浙水東傳於海湘鄉曾文正公督師江上既克安慶將欲東兵以援吳越而賊縱悍黨分道搏戰蔽遮不得前當是時吳中官吏士民皆棲上海上海以彈丸地孤懸賊中勢岌岌且支乃謀乞援楚軍眾議此行非公莫任公亦慷慨勃發遂駕輪艦越偽卡十數徑詣安慶謁文正公力陳東南百姓阽危狀且言上海中外互市要地百貨駢集權稅所入足餉數萬人若棄之資賊則東南無轉機矣文正猶慮地僻遠卽有急聲援不相達公開陳形便懇摯欲獻繼以痛哭文正亦爲泣下乃許濟師顧念上游地博兵益少適鴻章在皖募淮勇將援鎮江始奏令移嚮上海公復與吳人謀以重貨僦西洋輪艦五絡繹上迎潛師疾濟蓋沿江遵海深穿賊境一千餘里自古行軍所未有也師至上海賊大舉環攻死咋不休鴻章憑

國龍靈二年之間將士用命迭誠兇渠克名城與楚師上下夾攻遂清江表議者謂公實發其端公亦自是赫然負時望駸駸大用矣方乞師

續碑傳卷二十八

安慶也江蘇巡撫薛公煥遣將募楚勇萬二千人將東行矣文正公以所募皆各營所汰徒耗軍食不可用遣公往截散之公馳遇之漢口簡所募九百人以歸餘眾悉遣散無譁者文正大奇之移師之議遂決余自上海進規蘇浙郡縣方事之殷羽書狎至徵餉繕兵百務蝟集公遇事贊畫濟變不驚積功以道員用粵賊既平淮軍四五萬人北勦流寇常追逐一二千里不能息公駐清江浦主轉運糧仗事訖於寇滅未聞有以道遠闕餉誤戎機者同治七年冬會文正公以首揆督畿輔疏薦才大心細堪膺重任請調赴直隸余亦累疏言公緩急可倚

天子授公大順廣道數月擢直隸按察使尋遷布政使越二年遂拜河南巡撫之

命公官畿輔日淺剴繁決劇常最其列值永定河連決淫潦鬻民田歲大祲公以藩司綜理荒政區畫條教靡隱不周噓枯濯痍道無殍者至今民猶頌其惠不衰及莅河南以綠營兵制窳弱奏請加餉練軍行之期年有效練軍之名由直隸推行各行省自公始固始捻黨竊發公道將一戰禽其魁盡俘其眾滑縣有巨猾陰結蠹役爲河北盜賊數公立置之法由是羣盜摧沮河決河澤東明等處山東巡撫丁公寶楨躬臨

塞之隄將合而稽料告罄眾以為危會公已先期運料百珠浮河東下舳艫相銜比至而隄遂合遠近驚歎其通敏知大計多如此公為治不事煩苛遇事所當興革則未嘗不為既感激

知遇欲得當以報朝廷嵩毅兩軍在甘肅轉戰關內外功尤多公以河南全力餉之轉輸相屬不絕又閔中原彫瘵未復治化不下究於是勸積穀濬河渠行保甲興文學諸所設施甚具儻稍假歲月其漸被詎有涯耶光緒元年五月暴得疾丁巳卒於開封官舍年五十二天子震悼哀恤有加禮旋得旨以公政績事實宣付史館公配陸氏繼配陳氏皆

封夫人子二湖耆優貢生賞主事湖時二品蔭生

欽賜舉人女三適翰林院編修陸繼輝嘉定生員廖壽鏞副貢生汪會懷孫三繹榮綏榮繩榮公以是冬十二月某日歸葬太倉二十二都露字圩之原其孤具行狀來請銘銘曰惟智軋敵惟仁庇民踔險迎師義泣鬼神天河盪穢十憂一愉竊起雲

續碑傳卷二十八

七

蒸遂躡高衢有韞既宣屢奮益騫半駕而稅執司其權婁江之潯弁山之埜鑽石理幽用諗來者

誥授光祿大夫劉公墓志銘 郭嵩燾

公諱典字伯敬一字克菴姓劉氏先世由江西徙衡山再徙甯鄉之白石寨遂為甯鄉人會祖繼揚祖振暉父允慎以公貴

贈光祿大夫會祖妣牛氏周氏祖妣周氏贈一品夫人妣蕭氏

封一品太夫人家世業農而公起家文學自少開敏以文雄其曹及冠補縣學生游學嶽麓城南兩書院得性理之書於湘鄉羅忠節公慨然有志於學雖為諸生窮乏而節行有聞鄉里矣會羅仙寨盜匪發巡撫駱文忠公檄公捕治誅其首保訓導從羅忠節公武昌會忠節公薨恪靖侯左公奉

詔起一軍從會文正公江南檄公與王公開化今漕運總督楊公昌濬總營務會文正公駐軍祁門賊環集困甚公急出江西拊其背為聲援遂克景德鎮破賊樂平糧路始通擢知縣直隸州賞花翎文正公奏以浙江軍務屬左公俾有專責分賊勢轉戰衢州復

開化遂安等城功皆第一保知府道銜旋授浙江按察使始用其字立克勇一軍連克湯溪蘭溪浦江諸暨各城浙東以平賊乘閒上竄徽州左公以徽浙倚角賊至徽必反截我後徽公回援破走之賊渠黃汶金復竄江西急馳饒州蹙賊湖口力戰青山橋賊竄青陽太平踞賊又犯皖南急馳抵徽州過甯國入徽之路

賞阿爾剛阿巴圖魯名號加布政使銜左公大軍屯杭州賊分軍四擾以撲我軍公東西馳擊囊糧蓐食出奇奪隘以與賊選格其奔突以蔽大功方是時克勇之名聞天下會丁父憂有

詔歸治喪仍令會軍勦賊會金陵賊酋上竄江西於是有幫辦江皖軍務之

命既洪福瑱伏誅餘賊竄福建陷漳州左公總督閩浙於是有幫辦福建軍務之

命躡賊龍巖州破之賊竄廣東陷嘉應州左公奉

命援粵公督軍擊賊塔子壩陣斬汪海洋賊不能軍夜走黃沙嶂盡降之

續傳卷二十八

入

賞雲騎尉世職左公移督甘陝復奉幫辦陝甘軍務之

命授甘肅按察使旋改三品卿銜甫至藍田河南捻匪擾及同州旋入晉陷吉州左公躡擒東行奏留公陝西於是有督辦陝西軍務之

命兼署巡撫時陝回踞甯州之董志原擒匪袁大魁合土寇十餘萬分踞雲巖瓦窰金頂山自延長延川至綏米花馬池懷榆數百里縱橫出沒連歲大饑人相食公私赤立無餘公外支強敵而內拊循其民數月而陝亂定董志原回眾皆走金積堡公以其時濬鄭白舊渠引交水入城壕以便民汲修治周文故陵地旋以母老乞歸會左公視師新疆又

以三品卿幫辦軍務而委公以留守之任公提挈綱維剔葢噓枯隱幽畢達而遇事諮請以行不自張其名大軍西行萬餘里周廬止宿時兵

綏急資食與兵應若咫尺左公屢疏言使臣壹志經營關外無內顧憂

劉某之功為多而公之心愈悴而病亦愈深矣以母老乞養請奉旨數日薨於甘州時光緒四年十二月十五日也年六十事

聞

賜祭葬

子諡果敏敕建專祠江西安徽福建浙江陝西甘肅仍祀於其鄉子二本鑑候選同知雲騎尉世職

特旨以知府用本鐸候選主事

特旨用員外郎公英姿嶽立沈默寡言笑威嚴若神臨事量敵指畫方略應機赴會不失銖黍用兵尤善審地勢每戰怒馬馳視所在高阜騰躍四顧令某軍出某所某軍伏某所度地廣狹開闔變化惟意所使諸將趨走懾服既罷手一編集所將校論說道理和衷冲裕意若有餘家居五年置義莊建公祠以集族修試院置賓興田以勤學搨修忠義祠以旌忠育嬰堂安良所皆置田以善俗得其一善足以傳世於公末也公第倬雲從征討累有功保道員以公行狀來告曰公之葬天子賜之碑文而銘墓之文久而未備無以攄家大人之哀思惟先生能知公願有述也嵩燾因謹次其生平大節而爲之銘曰

下

劉果敏公別傳

朱孔彰

劉公典字克盦湖南甯鄉人也初以諸生伏處滄山不求聞達讀書養親立志以古人自期時究經世之略咸豐六年從羅公澤南攻武昌左公宗棠在湖南巡撫駱公幕亟薦其賢令辦甯鄉團練時甯鄉齋匪煽亂公與鄉人捕匪首百數十邑境獲安獎敘訓導咸豐十年左公奉命東征公與王公開化楊公昌濬同參軍事轉戰江西皖南帕首犇刀

續碑傳卷二十八

九

與左公分路殺賊善審地勢嘗輕騎覘敵營夜率壯士砍賊每得奇捷悍酋李世賢李秀成黃文金賴裕新等謀以長圍困左公會公軍斷絕饗道公率將士苦戰以寡擊眾大破賊於浮梁樂平婺源會軍饗道暢通積功擢直隸州知州明年冬公領偏師討衢州賊又討嚴州開化賊同治元年正月破賊馬金嶺霞山厚山徐塘口二月從左公克遂安回援衢州逆首李世賢方謀踞金華爲老巢分布賊黨於龍游湯溪蘭谿眾號數十萬聯營數百里扼官軍進取之路公大戰數十奪隘數十衢州東南北賊壘皆平乃進攻龍游龍游城小而固賊計以堅城老我師而蘭谿湯谿皆以悍黨拒守全浙賊勢注重於此適蔣公益禮自粵至左公令公分攻蘭谿蔣公攻湯谿自攻龍游明年正月拔三城並克金華府城浙東肅清公擢道員左公規取杭州慮皖浙唇齒相依江西又浙軍後路皖南地廣兵單恐逸賊狂妄莫能阻截乃令公取道嚴州出皖南江西會剿旁溢之賊謂勿貪克復省城功公慨然自任率軍以行當是新復郡縣轉饋不繼公持印票空文從民間貸糧遇賊遮擊士民見公軍至賊即破走所將五千人皆紀綱之僕秋毫無所犯以故篋食壺漿不絕於道江西巡撫沈公葆楨奏公截殺悍賊數萬眾其功不

在克復省城下曾文正與左公書云克庵留鎮徽祁處處獨任其難勞而不伐尤堪欽敬徽祁若倖保全則克庵之助勞與其心術足以保之也其推重如此江皖旣平公擢浙江按察使秋九月因父喪固請罷職歸里三年夏

詔公墨經從戎復由湘募新軍八千人次貴溪時浙江已平賊首偽康王汪海洋由江西竄閩陷龍巖州僞侍王李世賢陷漳州左公入閩討賊

詔公幫辦福建軍務公率軍由汀州連城進擊遇海洋大眾先挫後勝斬悍賊萬餘遂收汀州連城龍巖南靖其踞漳州賊李世賢則爲高提督連陞等所破遂竄廣東時左公由漳州入粵僅親軍八百人公至南雄語部將黃少春曰尾賊而追非計也觀賊返奔甚急嘉應必不久踞仍是取道粵閩邊覓去路耳漳州追賊各軍盡萃於此脫左公遇反奔之賊軍弱必不支奈何言已泣下黃少春曰計將安出公曰裏二旬糧取道大嶺之脊晝夜趨行猶可及也諸將皆曰善比左公至大埔而公已先一日率諸軍至矣左公獲安遂殄寇嘉應公加二品頂戴以父喪將終母年已老請歸省侍其秋左公移督陝甘

續碑傳卷二十八

十

詔授公甘肅按察使旋開缺

賞三品卿銜

命幫辦陝甘軍務明年夏募新軍由金紫關入陝所過戰克撚酋張總愚敗竄渡河左公率師援晉以勦回事屬公奉

旨督辦陝西軍務七年二月署陝西巡撫公殫誠竭慮勦撫兼施陝回敗竄甘境西撚旣平左公自燕齊返旆公與戮力同心定三路勦回之策九年三月陳情乞養

優詔許之歸侍三載母疾漸瘳公每念西事艱難與左公爲布衣交不忍其獨任勞苦莫紓

朝廷西顧之憂朝嘯夕哨至忘寢食初母恐其遠離時遣諸孫謹視之後察其情復許公出乃曰事畢須速歸於是遵

朝旨復幫辦左公軍務光緒二年春至蘭州

詔授通政使時關內肅清左公遂駐肅州經營新置至四年關外平定公贊助之力爲多以病寒喘乞歸未就道卒於蘭州

詔視侍郎例

賜卹

予諡果敏子二本鑑以知府用本鐸以員外郎用公秉性清嚴自奉儉約人以爲難堪者處之怡然楊公昌濟歸湘時誦公登堂拜母見所居環堵蕭然一如寒素之舊寓書左公常偁道之左公亦曰劉君出處進退之際志存忠孝道合經權竊歎一時所備賢豪之親老從戎者皆不逮也

評日子夏有言仕優則學方今公卿大夫不講學不延師況以武功顯者哉蔣公禮賢可以風天下矣昔管夷吾以有老母怯於戰而傳曰戰陳無勇非孝也劉公三出討賊三乞養親其合古義而心安者歟

誥授光祿大夫頭品頂戴兵部侍郎都察院右副都御史湖北巡撫彭公墓志銘 龔榮光

光緒十有一年歲在乙酉十月十二日湖北巡撫彭公薨於位

天子軫悼賜祭葬如制越明年丙戌孤虞孫件繫公事狀來乞銘公捷京兆爲余分校所得士比年撫吳旣聞公家世懿德不可以辭按狀公諱祖賢號芍亭先世系出江西之清江明洪武隸長洲籍

國初有諱瓏者以耆儒碩學昌其家世所稱仁簡先生也一傳爲翰林院侍講定求三傳爲兵部尙書啟豐兩世會狀尙書公之高祖也曾祖

紹咸增貢生祖希諫乾隆丙午舉人自尙書以下三世皆以公考文敬

公官 續碑傳卷二十八

贈光祿大夫 封一品夫人文敬公諱蘊章配徐夫人繼宋夫人有子八人公居四徐夫人出年十二遭母憂辟踊盡禮文敬公久值樞廷爲國碩輔公以任子起家授戶部主事充

寶錄館詳校官咸豐乙卯舉順天鄉試明年補員外郎升郎中壬戌授鴻臚寺少卿轉通政司參議丁文敬公憂既除喪

命以四品京堂候補丁卯補太僕寺少卿癸酉署光祿寺卿授順天府府尹以繼母憂解職服闋仍補原官出爲江西布政使擢撫湖北

賞加頭品頂戴回翔中外二十餘年聲施爛然平屈徐言緩視粹然儒者至遇大利害侃侃不撓必得其當而後已其官戶部也軍事方殷司

農仰屋而嗟公鉤稽精密吏不能欺今相國朝邑閭公與公同曹將赴楚謂公曰農曹擔荷屬君矣庚申

顯廟狩灤陽京師戒嚴先是入旗兵丁月支甲米兼放折色至是饌絀公曰事亟矣請便宜發通倉全用本色

從之人心大定守陴者欲焚倉移庫毋遺敵公止之卒無恙事平

召見褒勉公之結

主知實自此始

穆宗毅皇帝初御極命王大臣相度

兩宮皇太后萬年吉地公以軍務未平庫儲日絀奏請俟

親政後再議勘修時議趨之丁卯畿內亢旱公上疏請振並奏寬米稅

招商海運戊辰陝捻北犯軍精失期奏撥部帑二十萬以濟師又奏截

留南漕當是時三輔災歎大軍雲集而閭井晏然士馬飽騰公力也丁

丑冬京師望雪公為京兆慨然曰欲逆天和當甦民困奏蠲晉豫災區

一歲徵其他民生利病知無不言

朝廷鑒其誠未嘗不嘉納焉其至章門比歲不登即議築圩代振明年

大穰在鄂權督篆監河水患災民爭子貝淵隄列械交闕公曰是不可

以法懲也為濬河建閘民用不爭禮聘名宿續修通志泣鄂五載政通

民和百廢具舉而公不起矣沒之日民罷市巷哭嗚呼雖古之遺愛何

以加茲公鄉居嘗與伯兄勗立義田以贍貧宗解溪文星閣舊為仁簡

先生暨吳端仁宋正誼講學之地沒即俎豆其中兵燹傾侈公規復之

以勵學人此在公皆非大者然其先憂後樂之心於此可見公生於嘉

慶己卯閏四月二十九日年六十有七配陳夫人前山東巡撫會稽陳

公慶偕女以孝行旌先十年沒今合葬於吳縣五都下九畝草字圩子

四虞孫濟孫晉孫協孫虞孫山東直隸州知州晉孫附貢生今惟虞孫

存女六皆適望族孫四人曾孫二人銘曰

天佑

聖清篤生耆耆世濟忠貞父前子後在周方召在漢章平簪紱曷奕蔚

為王楨起自郎官出為開府中更九卿亦長三輔民為邦本食乃民天

荒政十二公所先焉散利薄徵去幾弛力成憲率循惟日不給豈惟慈

惠為吏之師意所不可屹然不移臨機制變氣懾責獲精白乃心篤棗

厥職江水東下峨眉濫觴公德在民視此水長丹旆雖歸楚民尸祝我

銘不刊敢告司牧

江蘇巡撫黎文肅公神道碑 王先謙

公諱培敬字開周簡堂其自號晚更號竹間道人湘潭黎氏曾祖祚廣
祖大純縣學生父光濤以公貴三世皆
贈榮祿大夫妣皆一品夫人公生七月而孤太夫人以純孝苦節鞠育

成立由縣學生中式道光己酉舉人充覺羅官學教習咸豐庚申恩科成進士改翰林院庶吉士散館授編修同治三年甲子視學貴州時黔亂十餘年郡邑糜爛前視學者居省會希出按試候三年得代去為幸

命下人皆弔公慷慨就道開行抵省適勞文毅公崇光以雲貴總督駐黔與巡撫張公亮基議論不相下公以疆吏不利貽誤大局吏治廢弛軍政積窳密疏駢聞當是時言黔事者多依違不敢盡奏入

朝廷始悉邊陲情實以忠直多公公初至貴陽時疫道殣賊距省近官吏語及試事變色莫應公以為人心不靖繇士氣不伸考試必毋緩卒舉行之一切捐備畢試眾心帖然自是按行諸府州出入賊氛中道閉則緣粵楚蜀邊以達人多自賊中鬚髮出就試公策騎從吏僕數人與

士子開說忠義宣

朝廷威德風亂黨捐奉助饒倡修獨山銅仁城而黎平永從漢苗民不和守令請毋冒險重生事公弗聽嚴諭漢人毋溷苗籍入灑洞大酉梁維幹子武學生古州楊嘉相者軍帥招以三品職銜不應至是入學充拔貢生苗人大驩六洞之亂遂定於是人憬然知

續神傳卷二十八

七

國家德化入人深學校繫治理甚鉅然非公忠勇奮發明識內斷孰肯犯危難以赴眾論之所不急益相與頌美公或封章上

聞而公之大用自此始矣任滿得

旨毋庸更換會同巡撫辦理勦撫屯田事宜六年十月

賞四品頂戴署布政使而會文誠公璧光以清德雅望權任巡撫兵饑事一委公公建議龍里貴定為賊窟偏省城宜急勦時經費無出遣人開諭青巖民集捐米二千石籌貸獲數千金募勇督攻遂克兩城殲賊

渠省城解嚴絲是覈軍需汰浮冗裁營兵虛糧清荒屯墾奏免積逋嚴吏役橫征之罰民困以甦丁糧漸集又葺諸書院復膏火舊章請補鄉試興文廟樂舞以邊隅貧僻為廣購經籍建牧令律例醫藥之書罔不

畢備各城門為粥振饑每晨必周歷而嘗焉蓋公仁厚出於天性而精彊足以濟之其於財用綜察不遺至當理者未嘗吝出始受事庫存八十金及交代儲十萬有奇雖上下游賊平倚濟鄰省而挈提綱維聯絡

將率鉏鋤固圉僉曰惟公之功以龍貴之捷

命實授誅不法武員林自清

賞花翎十一年全省肅清加頭品頂戴光緒元年擢巡撫疏言下游形

勢苗南漢北驛道由西而東爲大界苗亂先梗驛路旁擾橫決遂爲巨害宜建礪屯兵衛通衢盡地利又言黔省兵米采買輓運法久弊生私折虛收冒領運費或蝕價肥已責苗交納寢成亂階宜折銀發營兵自購食其輓運一律折徵解庫轉發又請設平民待質所官給口糧並得旨允行爲地方久遠利四年以臚陳故總督賀長齡政績乞

恩降調授四川按察使旋擢漕運總督調江蘇巡撫未行以疾乞休八年七月五日卒於長沙距其生道光六年七月十五日年五十七遺疏

入
賜卹如例事蹟付史館尋

子諡文肅公之左官蜀中他人妄意或有缺望精勤且少遜而公於驛傳保甲事爲之制恤刑清訟惟日不足及督漕河益感激自厲至則堵禮壩以固河隄運官煤以平輦價建堡駐兵以衛行旅設洪湖水陸保甲造東海鹽城領江八圍戰船捕誅徐海巨盜充積穀興蠶桑恤貧振災增課惠士不有其財以概轄境甫入閱月百廢聿興雖任事不如黔久然而地士民謳思感泣並請建祠以祀元配楚夫人繼室王夫人子六錦纓廕生光祿寺署正楚田錦彝縣學生承禮舉人錦績早卒錦綺

續傳卷二十八

古

錦徽俱王出女七適齊適何字魏字譚餘瘍孫男四澤潤縣學生澤澍澤源澤準俱殤公任黔藩時屏絕苞苴每日亂之生由廉恥先喪也有饋笱者怒責之舉以誠屬吏由是人莫干以私嘗遣僕歸葺舊居諭毋更制暨歸見門閭高大立命徹毀如故其操履清嚴如此卒後錦彝等乘其遺書爲年譜一卷奏議十六卷公牘十卷書札三十卷黔輶紀程一卷求補拙齋詩文略各二卷外集四卷以光緒某年月日葬湘潭某原錦彝等來乞余文迺最其落落大者俾樹石墓道昭示無極銘曰大亂之肇絲吏怯貪懿矣貞臣視荼若甘公之初出輅車指南萬眾疑沮鎮以笑談敷文自昔格苗匪今青青矜佩我往嗣音聲教遐暢羣頑革心遂宏大化以靖全黔辱亦不驚仕固無喜于川于淮比潤千里活然剛大隨處必伸世所榮利不加其身名蹟孔多馨香靡極有揭于原百僚之式

黎文肅公神道碑銘 易佩紳

嗟乎古今盈虛消長之數雖極萬變而其中自有不變者豈非道德哉道在天下有時似與數俱變必虛者復盈消者復長而後知其不變德在人則盈虛消長皆不變也有不變之德乃有不變之道故道賴德天

下賴人人必內而公卿外而封疆而後其德之與道相維繫者能表著於天下吾於師友中之公卿封疆深知其德者師則欽縣王公景東劉公友則湘潭黎公黎公諱培敬字開周號簡堂湖南湘潭人生於道光六年丙戌二十九年舉於鄉咸豐十年庚申會試名第二

殿試二甲第一入翰林同治元年壬戌授編修三年擢貴州學政六年署貴州布政使七年卽眞光緒元年乙亥升巡撫五年降四川按察使六年升漕運總督七年調江蘇巡撫因勘河工感受風溼回籍調理明年七月五日薨於里第遺疏入奉

旨照巡撫例賜卹生平事實宣付史館旋

予諡文肅准於貴州清淮地方各建專祠公之薨蓋距今十年矣其時佩紳在黔臬任聞而哭之惟致輓詞於其家以爲其附棺節終之禮必皆已備矣今年九月公第三子薇生來屬余表公神道始知公之柩猶暫厝而未葬也蓋公長子佑生牽於風水時日之說故遲遲至今今佑生卒又一年矣薇生新舉於鄉乃與諸昆弟謀將以明年葬公於福珠山之原其知所先務乎以墓志請於黃君翔雲以神道碑屬吾其以翔雲與吾皆知公最深者乎謹按公自述年譜載世系履歷甚詳茲不備

續碑傳卷二十八

五

錄而謹摘其要者其貴州學政布政巡撫之政績佩紳自需次貴州及備兵陳臬或聞而知之或見而知之也其四川按察之政績則佩紳以四川布政繼其後聞而知之也其漕運總督之政績則佩紳先過清江見而知之後備蘇藩聞而知之也學政當苗氛正熾之時行人所不敢行之路除人所不能除之弊鼓久疲之士氣藉收漸散之人心振已敝之文風藉化難馴之獷俗非親歷其後者不知其履亨於至危蹈夷於至險也此公大造於黔之始基其德艱而貞也布政九年巡撫者文誠會公也會公以寬柔爲量山海藏汗公不能盡攬用人大權而惟先握理財之要開源節流循名責實蓋已力殫而心瘁矣時佩紳以道員需次嘗謂公何不以學政時直揭督撫之氣匡正會公公曰分不同也與其過激而決裂不如不激不隨而善全也然至於事機窘迫烽火倉皇會公無籌可展亦不能不推心專仗於公是會公之坐享其成者固公之善全其用矣此公大造於黔之微權其德介而和也迨會公薨而公繼之謂佩紳曰子所責望於我者可次第行矣初佩紳見會公不足與有爲欲請疾以去公勸阻而姑借捐局以回翔焉及領湖南捐局未久卽辭之而不欲再赴黔也公致書屢招而設書局以羈縻焉至是乃

以書局兼營務朝夕備采納矣貴州苗患重在下游麤告蕩平餘氛未靖而貪虐之官驕縱之兵又再釀其亂而頻激其變公深以爲憂適明年春布政林公人

觀公以司道迭相代因移東道於西而以佩紳代之兼督辦下游善後諸務公曰吾無復東顧憂矣於是佩紳署東道及實任其五年六府七廳帖然就理佩紳之稍展所長者公信任之專也其關係尤重者公實任巡撫後年終一疏劾黜文武三十九員蓋會公山藪之所藏始空其大半而餘者皆知警惕自是吏治肅清較苗匪之肅清更爲得要矣此公大造於黔之全模其德積而厚也凡此佩紳之所知而公之年譜多未述及蓋不欲自炫以彰人之短亦正公之盛德也至四川之清積案懲健訟課官吏嚴保甲漕運之修禮壩設巡防裁陋規節糜費皆公之餘事蓋既經貴州之盤根錯節則提刀四顧躊躇滿志皆迎刃以解矣夫使天假以年出其所蓄之德徧濟天下綽綽有裕而惜乎僅享年五十有七也豈獨佩紳一人之私痛乎公會祖諱祚廣妣氏鍾祖諱大純妣氏李父諱光濤妣氏宋元配楚氏繼配王氏子六女七銘曰天有陽德可愛可畏冬日夏日隨其時會地有陰德麗水崑山金渾玉

續碑傳二十八

璞或蘊或宣蘊之宣之飭躬淑世愛者畏者庶民羣吏表公之德實見

實聞熙天耀地以式後昆

趙國華代

丁文誠公墓志銘

同治七年春捻匪張總愚擁逆數萬自晉而豫漸犯畿疆北蹂定州歛

及保定勢且燎原去

禁輦僅二百里

朝廷震動至遣宿衛之旅出

國門備寇當是時有越境聞警炳燭會軍僚號所部騎武兼郵入援一日夜數百里猝出賊前轉戰雄任祁高肅之交復饒陽城倥偬之際其

他將帥多得詰讓而一軍北上首先奮勇勇往迅速保衛近畿之衰不

絕於驛

詔凡七下聲赫中外則山東巡撫丁公也八年秋有樓船銜尾自潞津來沂運河南下旗繒殊異侶偕都甚力人健師歌兒浮屠詭處其間奪觀駭聞嘶呼佚揚所經爲之下無敢發者蓋安得海以太監稱有密遣而山東巡撫執而鞠之謂大臣未聞有命汝曹私出制令所無必詐無疑奏言置於法亦丁公也公諱寶楨字碎璋貴州平遠州人曾祖考公

俊生員祖考必榮四川昭化縣知縣考世棻鎮遠府訓導祀鄉賢以公封皆光祿大夫曾祖妣李祖妣黃妣諶魏皆一品夫人鄉賢四子公第三魏夫人出少能文有操略道光二十三年舉於鄉咸豐三年成進士改庶吉士會母喪里居遵義楊龍喜造亂蔓平遠公起毀家練鄉兵眾始難之公曰賊至家豈吾有耶募壯士出奇計戰漸及遠龍喜平當事奏留公黔軍給其儲

朝廷嘉公行閒除編修異數也公之能軍自此始既簡湖南岳州府知府遣所練待饗金十餘萬籌者以爲憂公取五百集而謂之曰遭時變亂而累父老子弟協力捍閭里恍惚十年死者已矣予與諸君幸無恙今被

命將行庫饋不給其何以爲情視諸君徒手歸則皆泣下曰公破家急難吾眾亦以義起必有求乎公行矣公亦泣下卽日而別蓋供億之少解旋之易軍興以來未嘗有也抵岳州粵賊石達開方寇楚而陳玉成由金陵上竄鄂渚南岸州縣盡陷賊岳不守者四公至以死誓方略堅密民悉返城以完越歲爲同治元年調長沙嘗值客軍數千將不在鼓噪來公請於大府貸發三萬金斬其倡五人頃刻而定旋擢山東按察

續碑傳二十八

七

使晉布政使躋巡撫始至東用兵者六年善恤將士能推有功賊往來剽忽公乃卷甲窮驅入樂爲之急又銳於乘勢不主畫疆自守而輿跨壤諸連帥和衷戮力其後諸軍會聚先後殲羣賊任柱賴汶洸張總愚逆酋悉平皆於山東中原肅清暇嘗東登蓬萊歎息而返於是盡整吏事礪僚屬務持大體不爲刻谿而器量恢豁廉剛有威苟遇曖冗之夫猥緩之政則必痛摘深剔事之所繫在國與民則必行其志而後已黃河入東其始決侯家林及賈莊也東南幾爲澤國羣工集議莫敢當公慨焉自請植立沙干冰雪中費不半原估卒以集事撫東且十年吏治稱於天下光緒二年擢四川總督公在東久故視蜀中百務皆夙墮霸

然設施人不能堪謗至京師

朝廷知公深不爲動公得畢其力無鉅細必舉復都江故隄還民田數十萬畝裁減夫馬民困大蘇川鹽久敝利官胥

國家歲失成利百餘萬公創滇邊黔邊官運法悉收復之計自通籍至兼圻初治軍旅繼任封疆迭以殊勞

賞孔雀翎一品冠帶

太子少保

紫禁城騎馬

恩大寵濃功偉績張而未嘗以一好自娛一息弛學問凡有興革不避怨嫌奏議謬謫牘動數百千言不假手於人其矜然不欺其毅然不撓其知有國而不知有身其天性然也督川亦十年光緒十二年四月二十一日薨於位春秋六十有七遺表聞

九重悼惜

贈太子太保

子諡文誠

賜祭葬祀賢良祠併建祠山東行省

朝廷亦知公於山東朱邑之桐鄉也者初公夫人卒黔亂不獲歸請於

朝葬山東歷城縣華山之陽至是

詔仍葬公於東喪之歸郊野祭弔相屬奔者望者悲者歎者則有述軼

事者曰公始至東忠親王方蹙淄川賊王嚮兒督撫兩司不設坐公至

門謂同役

國家事坐則見不然勿通左右大驚王聞之遽加禮焉聞者稱公并賢

王也其實微公無以成王之賢也然以余觀公生平處大事無所趨避

多矣此又足道哉娶諶夫人男子五體常山西河東道體勤直隸永平

府通判體仁候選知縣體成光緒九年進士刑部陝西司主事俱嫡出

勳仁成先卒體晉

恩賞郎中女子五適黃桂棻適陳洵慶俱嫡出適吳以業未字者二孫

道臣道源道津道敏俱體勤出以公故

旨均俟及歲引見公薨之次年體常等將以九月二十五日葬公於前

阡而以銘幽之文不可缺也乞敬銘爲之嗚呼余忝知公公之德不以

人言充歎者也雖不文又焉辭銘曰

萬物自柳之浮萍賢者自松之茯苓巨人之列星噫嘻文誠惟公

之生其氣英烈惟公之沒遺疏在

闕其光烈烈川亦匪遙山亦匪高惟公之靈驅瀾互霄孰黔之西孰魯

之北其精在天是安其魄

又書太監安得海伏法事

薛福成

同治八年夏四月福成自江南如保定道出山東時余弟福保在巡撫

宮保平遠丁公墓府福成就謁公公留之宿與語天下事逾二旬不倦

將別公歎曰方今

兩宮垂簾朝政清明內外大臣各職其職中興之隆軼唐邁宋惟太監安得海稍稍用事往歲恭親王去議政權頗爲所中近日士大夫漸有湊其門者當奈何有閒復言曰吾聞安得海將往廣東必過山東境過則執而殺之以其罪奏聞如何福成與福保同對曰審如是不世之業也其難如平一劇寇功尤高然布置欲豫審幾欲密欲斷否則不惟買禍亦恐轉益其燄而貽天下患公頷之其秋安得海果出都公卽奏聞奉

上諭丁寶楨奏太監安得海矯旨出都舟過德州僭擬無度招搖煽惑聲勢赫然著直隸山東江蘇總督巡撫迅遞幹員嚴密禽捕捕得卽就地正法毋許輕縱而丁公初具疏時聞安得海已南下亟檄知東昌府程繩武追之繩武躬登屬馳騎烈日中踵其後三日不敢動復檄總兵王正起發兵追之及泰安圍而守之送至濟南當是時

朝旨尙未到而安得海大言我奉

皇太后命織龍衣廣東汝等自速戾耳官吏瞞焉丁公念

朝旨未可知欲先論殺之雖獲重譴無憾知泰安縣何毓福長跪力諫請少待之會

續碑傳二十八

十九

朝旨亦至乃以八月丙午夜棄安得海於市支黨死者二十餘人籍其輜重得駿馬三十餘匹黃金珠玉珍寶稱是皆輸內務府方丁公奏上朝廷也

皇太后問恭親王及軍機大臣法當如何皆叩頭言

祖制太監不得出都門擅出者死無赦請令就地誅之醇親王亦以爲言

命既下天下交口稱頌伯相合肥李公閱邸鈔粲然起傳示幕客字呼丁公曰稚璜成名矣會文正公語福成曰吾目疾已數月聞是事積翳爲之一開稚璜豪傑士也烏乎自古宦寺起細微干朝政憂時者或出死力與之角角而不勝身攬其毒者相隨屬也或至罪盈惡積神人交憤僅而去之而天下旋受其敝又或權力足以相勝濇忍不斷以釀大患不旋踵而禍及其身丁公獨擿巨慝於萌芽之時易如反掌其忠與智勇可謂兼之矣然嚮非

列聖家法之嚴

皇太后之明聖與諸王大臣之匡弼其安能若是神速哉福成故謹書之以俟後世之安天下國家者取則焉

張靖達公神道碑

吳汝綸

公諱樹聲字振軒合肥縣學生員會祖監生世科祖傑父府學生蔭穀三世皆以公貴

贈光祿大夫妣皆一品夫人合肥自咸豐初遭洪楊之亂豪傑并起收召徒黨勒習軍陳與死賊抗拒六七年及相國李公治軍上海諸公各提閩里子弟為軍發起景坤從定江南席卷中原再剗劇寇遂為

國家勁旅天下稱為淮軍公其一軍也始諸公初起閩里皆散處田野

公獨以謂寇來無方不得地利不足自葆就於是創結堡塞阻河山為險嘗據堡擊卻悍賊陳玉成由是諸公先後仿依為堡百數十里閒連

屯相望賊豕突狼顧不得便利淮甸以不大蹂皖將帥上公功累官候

選同知先是諸公以武節相修快恩仇務兼并互為長雄而公以諸生周旋其閒獨用儒雅遜讓為義諸公多訾笑之公既倡為堡塞及後李

相公從會文正公軍江西公又遣閒使走江西軍貽書李公論賊形勢

利鈍及鄉勇可倚辦賊狀甚具會公見其書大奇之詫曰獨立江北今

祖生也由是公名始顯聞同治元年年以軍從李公上海會諸軍擊賊泗

涇大破之福山降賊復叛會攻福山拔之遂會攻江陰無錫克之會圍

常州別將卒三千橫截援賊夜蹙之三河口禽斬萬計還軍薄常州先

登克之移師入浙會克湖州江南既平積功補徐海道公自始起從李

公上海訖平江南凡三年未嘗離李公軍及是始釋兵之官而會文正

公督師剿捻駐徐州公朝夕受事逮後陳臬直隸會公又為直隸總督

故公為吏隸會公為多及晚為大吏則又與李公相資濟云李公伉爽

不為謙諸所部將帥皆果勢進取或不相細下獨公退讓遂與諸公

折節交驩既從會公為僚見會公深自約敕則傾心慕效其所為好士

親賢見後進有文學論議忠亮輒磬折禮下之惟恐不當好推薦賢士

所薦或起家至封疆公願未與識面以此中外名士惵然歸嚮歆公謙
德然公雖執謙讓至

續神傳卷二十八

三

國家有緩急大事則忠勇勃發不可稍遏抑也在徐海未幾遷直隸按

察使與平捻亂遷山西布政使漕運總督江蘇巡撫署兩江總督所至

有績回任江蘇丁繼母憂去官光緒四年服闋入見天子面論二事一停捐例一變通綠營時論益增唯

天子亦注意用公補貴州巡撫未至調廣西巡撫以平李揚才功遷兩

廣總督摘滑勵廉風改化漸會李相公居憂調直隸總督北洋大臣朝

鮮亂燬日本使館是時廣東水師提督吳武壯公長慶防海登州公傳電謀之李公急檄武壯東渡武壯自登州率師三千用一日夜徑抵仁川直入朝鮮國都取其大院君李昰應送天津朝鮮大定日本海軍遲一日至頓兵海口錯愕不能發事聞

上大賢公進階太子少保九年秋法蘭西侵越南越南人來乞師中外士大夫斷國論者皆以為當救於是

朝廷決意用兵是時李相公已還鎮天津公方以病休假聞越岬卽疏請出南關督師不報

命還廣東治軍防海至則扼長洲險築礮壘益募兵教練傳電西國購大礮兵鎗水雷之屬自廣州至龍州創設電綫規畫粗具而廣西關外軍敗挫公聞益憤切請解官專一治軍

報可已而奉

命督師關外又奉

命援閩而廣東大吏輒疏請留公公亦疾甚不可為遂以十年九月卒於黃埔軍中

年六十一遺疏入

續碑傳卷二十八

注

皆立專祠公前娶陸夫人生二子曰華奎己丑科進士四川東道曰雲霖縣學生員女一適劉某繼娶吳夫人生一子曰雲鴻公終始兵閒神思縝密臨敵堅重不為表祿在粵東位望益高軍且夕警中外恃賴以無恐賊善官文書在軍在官決事有程暇輒不廢記覽於淮軍中最為儒將其從行閒入官及擢任疆吏亦於淮軍諸公最為先達為政務持大體不為煦煦小惠汝綸少習於公又辱與華奎遊華奎狀公行來告曰先公墓碑未刻子無用辭乃為銘曰

皇督九夷荒遐四歸有快懷濡決藩內闔伏戎乘墉孰揭不憤嗚呼我公雖死猶奮予伐不究激憤則多彼驕亦摧以卒交綏匪知匪勇茲艱孰抗及在醜夷則頽然喪不卒其施委祉其延我銘式旌勞臣之阡

太子少保漕運總督文公墓誌銘

錫祺

清故漕運總督文公以道光二十九年舉人咸豐二年進士任戶部主事員外郎在部者十一年授山東沂州府知府升兗沂曹濟道按察使布政使署巡撫在山東者十一年任漕運總督者九年自咸豐二年訖光緒六年凡二十九年其於度支吏治漕運河防罔弗洞徹言必可行中外倚之而尤善於用兵百戰頻死為民捍患其始則蘭費墨膠捻幅

授首數千計既乃決勝於義勝常武之軍卒以綏靖徐海血食百世戰
功見於奏疏者盈數尺所以垂大名於岱南淮北之間竟其用可爲天
下黎元造無窮之福而情乎其遠卒於位也公諱彬字質夫姓輝發那
拉氏隸內務府正白旗滿洲會祖福勒質祖明鐸父那峻皆

贈光祿大夫母裴太夫人繼母劉太夫人皆

贈一品夫人娶王夫人生子延煜延熙延燮延照女三妾趙氏生女一

程氏生女一公以光緒六年六月初三日卒年五十有六公子奉匱回

旗明年七月十六與王夫人合葬於東直門外東壩河之塋公幼以孝

聞二十一歲而孤受學於伯父那峭峰先生吾鄉所稱時文宗匠者也

顧不事章句而務力行下筆乃如萬斛之泉奏疏手出多可誦者蹟其

平生智勇過人面青碧色目炯炯出光芒而語氣慈祥不使人怖公子

科名蔚起詒謀及孫然後知其宅心之厚慮事之疑古大臣所以爲邦

家光者吾不知其何如若公者庶乎近焉嘻可銘矣銘曰

循吏將才有所自來

帝曰欽哉保障江淮受天之祿爲天下福

帝曰嘒哉何奪之速昔也封疆今也祠堂明德馨香斯民不忘

誥授光祿大夫太子少保兵部尚書山東巡撫霍欽巴圖魯世襲一等

輕車都尉加一雲騎尉贈太子太保子諡勤果張公神道碑銘諱延

咸豐以來宣力

三朝戲難勤民文武勳臣曰張公諱曜字亮臣號朗齋順天大興人祖

貫浙江錢塘縣家世儒術曾祖志銘縣學生祖濤順天副榜貢生山西

絳州直隸州知州考世桐候選知州三代

贈如公官公生穎異有神力就傅日恆部勒羣兒持竿結陳兒無謹者

少長能詩習顏平原書輒工負奇早棄舉業吳江刺大夫賀蓀宰固始

公舊嫻也往依之河南羣捻已大起固始尤近窟穴出沒不常縣令纂

嚴集健兒數百付公訓練營設奇卻襲城之寇由是知名已而破巨捻

李士材汝南以收復光山息縣功得官咸豐六年署固始縣令守禦益

完一援光州解其圍當是時捻眾合勢皖豫號數十萬固始嬰其衝公

拮据捍禦七十餘日賊百計攻之不下釋圍去蔚平功首名達

當晨自此始擢署光州牧光與穎霍接壤公出師會剿威震淮北勇冠

三軍父喪解官河南大府方憂張落刑之眾蔓延中原留公墨經枕戈

連戰皆克惟時浚登功簿

運戰皆克惟時浚登功簿

運戰皆克惟時浚登功簿

運戰皆克惟時浚登功簿

運戰皆克惟時浚登功簿

朝廷酬庸已擢加按察使銜記名道員中州四戰地逆捻繫牙森忽迎擊踵躡兵機日變公入奇出正與爲不窮而尤留意子遺衛養良懦降

眾復煽以智殺其勢勇熾其盛同治元年特簡河南布政使仍董師兵公七八年閒蹈厲疆場下同士卒甘苦人

方以戰將目之驟莞藩條言者詆謫

詔曰朝廷文武並重豪無岐視乃以總兵改補公綢繆

恩遇無槩於心轉戰如故科爾沁親王督護諸將以公爲右翼長奇兵

搏賊七戰皆剋賊黨斬馘幾盡河南釐定王檄留公而身自追賊公得

乞假葬親時杭州初復衣冠稍集公思賢訪古樂與文士游處湖山舒

嘯若將終焉而淮北寇亟河南大府仍奏起公復出部合新舊選鋒約

法遂成嵩武軍厥後驅馳絕徼開邊載績西陲萬里底定之勳繫惟此

軍抗湘淮之顏行若與爲後勁云至六年拜記名提督之

命皖北旣誅張落刑其孽總愚擁眾非竄畿輔傳燧節相李公控駐德

州會侯師於濟甯公在前敵詞張總愚詭悍方交綏斂陳遽退公亟卷

旆疾馳出其前二百里先至饒陽丁夜成列賊果至錯愕遁去不復進

敵近畿者嵩武軍大有力焉論功

續傳卷二十八

賞穿黃馬褂並騎都尉世職公軍堅韌耐勞益習北土七年捻平乃移

師而西公之西征也以陝回畔亂臨河防剿

召公援山西寇至卻之乃度隴遂進軍甘肅策應大軍壁準喀爾八年

烏拉戰勝阿拉善解圍甯夏回眾從亂抗官軍公與將軍金順公合擊

連下數十砦甯夏肅清

詔授廣東陸路提督回首白彥虎踞肅州公從督師左公攻下之白首

亡命出嘉峪關窟於烏魯木齊煽召同類哈密南北城附之俄羅斯方

擁伊犁巴里坤且岌岌

朝命公總防討亟援哈密慷慨出關師行之水草沙磧二千餘里餽饋

艱阻議立屯田耕鑿以濟軍進克吐魯番聯絡羣帥拔烏魯木齊白彥

虎遜俄人歸我伊犁新疆式定左公倚公成大功乃以重任期公密陳

於

廷光緒六年以來先後襄辦軍務督辦善後師貞丈人以儒將冠於軍

十年九月班師入關防護直北

賞巡撫銜尋敘邊功復
賞頭品頂戴十一年五月

簡廣西巡撫未出方董所部浚治都城河道工竣

恩加兵部尙書銜旋奉

旨勸河山東建議南北分流雖不果行而

宮中以篤棊陳言衷於民物十二年五月調山東巡撫初公在行開振
轡齊魯絲擘形勢咨嗟疾苦軍興後黃運並淤昏墊所由下流日陞上
游汎濫沙挾日高隄形互長庠薄莫禦軫乎蓋慮非一日矣至是受任
封圻廣詢忠益塞漏卮培喉亢廝枝渠啟鍵鑰參西法以運槩蓄到官
暮年奔走河干垂三十旬淫霖傾坻單騎沐雨察險工泥涂父老雪涕
馬前若忘其死公喻餐粥截漕振餒移及溺之氓以就粟五載按部
宣勤如一日優禮賢士羅於門左右者數百人解推弗勅私財不足稱
貸益之沈災之餘扶挽士氣方公在西域所至創立義塾澤以詩書冀
平獷噬之氣開府山左則建海岱書院於青州修復洙泗書院於曲阜
投戈講藝學道愛人素所蓄積者然也十四年奉

懿旨襄辦海軍明年加太子少保銜十七年四月
朝命會閱南北洋海軍至煙臺聞臺灣劉撫部銘傳移疾解組則抗章
請行

續傳卷二十八

詩

優詔褒之六月將赴利津勘隄疽發寢劇猶講畫羣政不廢背創潰七
月薨於位年六十官閣蕭然無百金之蓄公未絕之日四民皇皇奔走
禱祈求益公算既逝交衢縞素若喪天親人士聚哭於省闈嵩武軍中
斫地投胄哀聲遏長河事聞

九重震悼贈太子太保諡勤果祠賢良子孫進官飾終一視總督禮公
長身劒立豐顏頰出言遲重而色溫溫性慈惠聞人疾苦若被諸體恢
廓大度散金如泥沙而自奉儉約壯歲治兵多奇策風動水立然得於
默觀資於廣聽論者謂忍而能斷近者治河道機遇勢有合有分皆兵
法也疏牘往往自裁幕下斂手最長技擊非健兒久待戎右者亦不克
知噫中外大臣贊

中興之偉烈如公者可謂兼資文武也已配一品夫人蒯氏子三端本
安徽廬州府知府遇缺

簡放道端理

恩賞部員外郎端瑾女四陳其元孫寶琦陶譽光姚舜年公增光緒十
八年四月治葬於杭州鳳凰山麓長公子介所親造於廷獻屬表墓之
文謹次第勳勞推本性行而爲之辭曰

天柱柱天交會爲辰鼓壑淵淵旁求帥臣張公扶義兵若天授弧矢四方身鴻斯毅公來自南去垢中原芟蟠蝨賊以衛元元公征徂西霜肅秦隴鷹揚絳霄霍增衛重公歸北極翊衛邦畿凌煙象設肅將靈威公車旣東棠憩召伯大河湯湯德音莫莫夸父之步忽躡虞淵傳說作楫忽淪巨川

帝開明堂功宗告謝將士勞血衛市旬罷越紐毓靈雲容黯然有萬棟材
賜葬豐阡載考司勳民謠士講撰德幽宮鳳山如砥

續碑傳卷二十八

三

